

1 Corintios

He⁻ la⁻ to⁻ nē⁻ je⁻ he⁻ ga⁻ sii^ʼ Paa^ʼ kih^ʼ øøh^ʼ jne^ʼ hi⁻ chaa⁻ Corinto

1 ¹ Jnä^ʼ Paa^ʼ na⁻ hñaan^ʼ laan^ʼ apóstol kya^ʼ Jesucristo lä^ʼ hyoh⁻ dsē^ʼ Dio. Ko⁻ jøh^ʼ kya^ʼ Sóstene øøh^ʼ jne^ʼ, ² siin⁺ kyah^ʼ hnäh^ʼ hi⁻ laa^ʼ gwah⁺ kih^ʼ Dio jee^ʼ jwii⁻ Corinto. Laah^ʼ hnäh^ʼ kya^ʼ Dio ta⁻ la⁺ kih^ʼ Cristo Jesús, ma⁻ na⁻ lleeh^ʼ hnäh^ʼ mah^ʼ leeh^ʼ hnäh^ʼ na⁻ jngēē^ʼ. Hi⁺ juu^ʼ la⁻ la⁺ kih^ʼ lä⁻ jēē⁻ hi⁻ tääh^ʼ ta⁻ la⁺ ta⁻ jnø⁺ ka⁻ läh^ʼ, lä⁻ jēē⁻ hi⁻ chuu^ʼ kih^ʼ Dio ta⁻ la⁺ kih^ʼ Jesucristo Dsa⁻ jøøh^ʼ jnän⁻. Jēeh^ʼ, jaa⁻ ba^ʼ laa^ʼ Dsa⁻ jøøh^ʼ jnän⁻ kya^ʼ ayh^ʼ. ³ Ngii^ʼ kih^ʼ Dio hi⁻ laa^ʼ Täa⁻ jnän⁻ hi⁺ ngii^ʼ kih^ʼ Jesucristo Dsa⁻ jøøh^ʼ jnän⁻, wa^ʼ kway^ʼ he⁻ llu^ʼ kyah^ʼ hnäh^ʼ, hi⁺ wa^ʼ jmeey^ʼ hii^ʼ tii^ʼ kyah^ʼ hnäh^ʼ.

Lä⁻ jē⁻ he⁻ llu^ʼ he⁻ ga⁻ hñah^ʼ jne^ʼ kih^ʼ Cristo

⁴ Lä⁻ jē⁻ jiih⁻ kwan⁺ ti^ʼ hmaah^ʼ kih^ʼ Dio jnän⁻ kwaan⁻ kyah^ʼ hnäh^ʼ, jēeh^ʼ cha⁻ miih⁻ he⁻ llu^ʼ ga⁻ kwēeh^ʼ Dio hnäh^ʼ he⁻ la^ʼ ga⁻ kway^ʼ ba^ʼ ta⁻ la⁺ kih^ʼ Cristo Jesús. ⁵ Kih^ʼ he⁻ laah^ʼ hnäh^ʼ koø⁻ kya^ʼ Cristo he⁻ ja⁻ cha⁻ miih⁻ he⁻ ga⁻ hñah^ʼ hnäh^ʼ kih^ʼ Dio. Ma⁻ tēē⁻ hnäh^ʼ juu^ʼ kiyh^ʼ hi⁺ lä⁻ ja⁻ ma⁻ tēē⁻ hnäh^ʼ cha⁻ miih⁻ huud⁻ dsē⁻ llu^ʼ. ⁶ Kih^ʼ he⁻ ma⁻ jä⁻ koø⁻ hweh⁻ juu^ʼ kih^ʼ Cristo kya^ʼ hnäh^ʼ, ⁷ he⁻ ja⁻, mo⁻ so⁻ cha⁻ ga⁻ he⁻ ga⁻ hnøø^ʼ hñah⁺ hnäh^ʼ kih^ʼ Dio jēeh^ʼ ma⁻ hñah⁻ ba^ʼ hnäh^ʼ hi⁺ ma⁻ cha⁻ o⁻ jøh⁺ dsē⁻ kyah^ʼ hnäh^ʼ he⁻ tēeh^ʼ hnäh^ʼ ya⁻ jwii^ʼ kiyh^ʼ wa⁻ ra⁻ ga⁻ tē⁻ jee⁻ lä⁻ jnäa⁻ Jesucristo Dsa⁻ jøøh^ʼ jnän⁻. ⁸ Hi⁺ hñii^ʼ bih^ʼ jmeey^ʼ go⁻ taah^ʼ hnäh^ʼ koø⁻ hweh⁻ lä⁻ jiih^ʼ llaa⁻ mah^ʼ mo⁻ so⁻ cha⁻ ga⁻ he⁻ na⁻ bääh⁻ hnäh^ʼ ni⁺ miih⁻ wa⁻ ra⁻ ga⁻ tē⁻ jee⁻ jäh⁻ Jesucristo Dsa⁻ jøøh^ʼ jnän⁻. ⁹ Ma⁻ ra⁻ he⁻ mi⁻ te⁻ ba^ʼ Dio juu^ʼ kih^ʼ. Hi⁻ he⁻ ba^ʼ hi⁻ ga⁻ tēeh^ʼ hnäh^ʼ mah^ʼ jmeeh^ʼ hnäh^ʼ ko⁻ jøh^ʼ kya^ʼ Jooy^ʼ Jesucristo, Dsa⁻ jøøh^ʼ jnän⁻.

Ga⁻ laa⁻ ma⁺ kih⁻ kih⁻ øøyh⁻ jee⁻ jwii⁻ Corinto

¹⁰ He⁻ ja⁻ chuun⁻ kya^ʼ hnäh^ʼ øøhn^ʼ, kya^ʼ hih⁺ kih^ʼ Jesucristo Dsa⁻ jøøh^ʼ jnän⁻. Jmee⁺ bii^ʼ hii^ʼ koø⁻ ba^ʼ juu^ʼ kyah^ʼ hnäh^ʼ lä⁻ jēē⁻ hnäh^ʼ mah^ʼ sa⁻ leeh^ʼ hnäh^ʼ to⁻ naa^ʼ. Koø⁻ nēē^ʼ ba^ʼ go⁻ taah^ʼ hnäh^ʼ. Wa^ʼ la^ʼ koø⁻ ba^ʼ huud⁻ dsē⁻ kih^ʼ jee⁻ lä⁻ jēē⁻ hnäh^ʼ. ¹¹ Øøhn^ʼ, ga⁻ nuun^ʼ ha⁻ lä⁻ tääh^ʼ hnäh^ʼ, ga⁻ jmeeh^ʼ dsa⁻ kya^ʼ Cloé juu^ʼ he⁻ cha⁻ hñii⁻ jee⁻ kyah^ʼ hnäh^ʼ. ¹² Lä⁻ la⁻ ba^ʼ ngoo^ʼ juu^ʼ la⁻. Ko⁻ llaa⁻ hnäh^ʼ jawah^ʼ hnäh^ʼ: “Jnä^ʼ jmeen⁺ ko⁻ jøh^ʼ kya^ʼ Paa^ʼ.” Hi⁻ jñah^ʼ jäh^ʼ: “Jnä^ʼ kya^ʼ Ahn^ʼ Apolo.” Hi⁻ jñah^ʼ jäh^ʼ: “Jnä^ʼ kya^ʼ Ahn^ʼ Pee^ʼ.” Hi⁻ jñah^ʼ jäh^ʼ: “Jnä^ʼ laan^ʼ kya^ʼ Cristo.” ¹³ Ha⁻ ba^ʼ lä⁻ la⁻ juu^ʼ ja⁻. ¿Che^ʼ laa^ʼ uu^ʼ uu⁻ Cristo? ¿Che^ʼ jnä^ʼ ga⁻ taan⁻ dsøh⁻ hma⁻ cru⁻ kwaan⁻ kyah^ʼ hnäh^ʼ? ¿Che^ʼ ga⁻ saa⁻ hnäh^ʼ jmi⁻ lä⁻ hih⁺ kin⁺? ¹⁴ Kwan⁺ ti^ʼ hmaah^ʼ kih^ʼ Dio sa⁻ ga⁻ chaan⁻ dsa⁻ jmi⁻ jee⁻ kyah^ʼ hnäh^ʼ. Ma⁻ la⁻ Crispo kya^ʼ Gayo ba^ʼ ga⁻ chaan⁻ jmi⁻. ¹⁵ He⁻ ja⁻ ni⁺ jaa⁻ dsa⁻ sa⁻ le⁻ jäh⁻ he⁻ na⁻ saah⁻ hnäh^ʼ jmi⁻ kya^ʼ hih⁺ kin⁺. ¹⁶ Hi⁺ ga⁻ chaan⁻ jmi⁻ hi⁻ chaa⁻

kih¹ Estéfana ka¹läh¹. Pero sa¹ man¹ che¹ chaa¹ ga¹ jñah¹ hi¹ ga¹ ga¹ chaan¹ jmi¹. ¹⁷ Jëeh¹, sa¹ ga¹ chee¹ Cristo jnã¹ mah¹ chaan¹ dsa¹ jmi¹. Ga¹ cheey¹ jnã¹ mah¹ kwan¹ ju¹ hmëë¹ kiyh¹ ba¹. Hi¹ sa¹ hlëehn¹ kyaah¹ juu¹ kaah¹, ha¹ ga¹ che¹ sa¹ hä¹ ta¹ he¹ ga¹ taä¹ Cristo dsöh¹ hma¹ cru¹.

Kyaah¹ Cristo ga¹lä¹ jnã¹ he¹ kyuu¹ Dio cha¹ miih¹

¹⁸ Jëeh¹, kih¹ hi¹ dsa¹ kah¹ jwë¹, ngaah¹ ba¹ la¹ juu¹ he¹ ga¹ taay¹ dsöh¹ hma¹ cru¹. Pero jnã¹ jne¹ hi¹ dsa¹ lää¹, juu¹ la¹ la¹ be¹ kih¹ Dio ba¹.

¹⁹ Lä¹ koo¹ na¹ si¹ juu¹ kih¹ Dio:

Heen¹ go¹ te¹ hu¹ dsë¹ kih¹ hi¹ kyuu¹ cha¹ miih¹.

Jñuuhn¹ lä¹ jë¹ he¹ ma¹ mi¹ tēē¹ dsa¹ hi¹ ngëē¹ cha¹ miih¹, ga¹ jäh¹ Dio.

²⁰ ¿Na¹ hi¹ kyuu¹ cha¹ miih¹? ¿Na¹ hi¹ ma¹ mi¹ tēē¹ cha¹ miih¹? ¿Na¹ hi¹ lih¹ ti¹ choo¹ juu¹ jmi¹ gyuu¹ la¹? ¿Che¹ sa¹ ga¹ jmeē¹ Dio ga¹ jäh¹ ta¹ hwa¹ lä¹ jë¹ he¹ kyuu¹ dsa¹ jmi¹ gyuu¹? ²¹ Cha¹ miih¹ hu¹ dsë¹ llu¹ cha¹ kih¹ Dio, he¹ ja¹ sa¹ ga¹ kway¹ jwë¹ ma¹ lä¹ kyuu¹ dsih¹ kyaah¹ he¹ kyuu¹ dsa¹ cha¹ miih¹. Ga¹ tih¹ dsëy¹ lääy¹ dsa¹ hi¹ jmeē¹ dsö¹ dsë¹ kiyh¹ ba¹, ta¹ la¹ kih¹ he¹ kwa¹ dsa¹ juu¹ kiyh¹ ma¹ ke¹ jäh¹ dsa¹, ngaah¹ juu¹ na¹. ²² Dsa¹ judiu hnø¹ jëy¹ koo¹ he¹ jäh¹ gaa¹. Hi¹ dsa¹ griego hnooyh¹ ha¹ lä¹ jee¹ lä¹ kyuyh¹ cha¹ ga¹ miih¹ ba¹. ²³ Pero jne¹, ga¹ nø¹ ba¹ jne¹ kwa¹ jne¹ juu¹ he¹ ga¹ taä¹ Cristo dsöh¹ hma¹ cru¹. Hi¹ juu¹ la¹ la¹ o¹ hih¹ kih¹ dsa¹ judiu, hi¹ kih¹ dsa¹ griego la¹ juu¹ ngaah¹ ba¹. ²⁴ Pero kih¹ hi¹ ga¹ tēē¹ Dio, dsa¹ judiu lä¹ kye¹ griego, juu¹ kih¹ Cristo mi¹ jnää¹ ha¹ lä¹ koo¹ be¹ sa¹ cha¹ kih¹ Dio, hi¹ ha¹ lä¹ koo¹ sa¹ kyuyh¹. ²⁵ Ma¹ ke¹ jäh¹ dsa¹, ngaah¹ la¹ juu¹ kih¹ Dio, pero kyeē¹ cha¹ ga¹ miih¹ he¹ kyuu¹ Dio lä¹ koh¹ ga¹ he¹ kyuu¹ dsa¹. Hi¹ ma¹ ke¹ jäh¹ sa¹ beē¹ juu¹ kih¹ Dio, pero cha¹ ga¹ miih¹ beē¹ ba¹ lä¹ koh¹ ga¹ juu¹ kih¹ dsa¹.

²⁶ Jëē¹ da¹ hnäh¹ øøhn¹, ha¹ lä¹ ma¹ tääh¹ hnäh¹ lä¹ ma¹ ga¹ tēēh¹ Dio hnäh¹. Sa¹ jwëē¹ hnäh¹ hi¹ ma¹ kyuu¹ cha¹ miih¹ lä¹ koo¹ te¹ he¹ ma¹ mi¹ tēē¹ dsa¹ jmi¹ gyuu¹. Sa¹ jwëē¹ hnäh¹ hi¹ ma¹ jmeē¹ hih¹, hi¹ ni¹ sa¹ jwëē¹ hnäh¹ hi¹ ma¹ hii¹ juu¹ kih¹. ²⁷ Ga¹ lleeh¹ Dio hi¹ sa¹ kyuu¹ ni¹ miih¹ jmi¹ gyuu¹ la¹ mah¹ lley¹ o¹ hih¹ kih¹ hi¹ kyuu¹ cha¹ miih¹, hi¹ ga¹ lleeyh¹ hi¹ sa¹ beē¹ jmi¹ gyuu¹ la¹ mah¹ lley¹ o¹ hih¹ kih¹ hi¹ beē¹. ²⁸ Lä¹ kye¹ hi¹ sa¹ lä¹ jëēn¹, lä¹ kye¹ hi¹ sa¹ tääh¹ ta¹ jmi¹ gyuu¹ la¹, ga¹ lleeh¹ Dio, hi¹ lä¹ jëē¹ hi¹ sa¹ laa¹ ni¹ miih¹ ga¹ lleeyh¹ mah¹ jmääy¹ ta¹ koo¹ lä¹ jëē¹ hi¹ laa¹ kaah¹. ²⁹ Lä¹ ja¹ ni¹ jaa¹ sa¹ le¹ jmää¹ hñii¹ jøøh¹ cha¹ nē¹ Dio. ³⁰ Ta¹ la¹ kih¹ Dio ba¹ ja¹, he¹ tääh¹ hnäh¹ kyaah¹ Cristo Jesús. Hi¹ kyaah¹ Cristo ga¹ jmeey¹ kyuu¹ jne¹ cha¹ miih¹, he¹ ja¹ lluu¹ jne¹, na¹ jngëē¹ jne¹, hi¹ na¹ laa¹ jne¹ ta¹ la¹ kih¹ Cristo. ³¹ He¹ ja¹ lä¹ koo¹ na¹ si¹ juu¹ kih¹ Dio: “Hi¹ hnø¹ jmää¹ hñii¹ jøøh¹, wa¹ jmääy¹ hñiiy¹ jøøh¹ kih¹ he¹ laay¹ kyaä¹ Dsa¹ jøøh¹ jnän¹.”

2 ¹ Lä¹ ma¹ ñeen¹ na¹ jëēn¹ hnäh¹ ga¹ kwan¹ juu¹ kih¹ Dio, pero sa¹ ga¹ hlëehn¹ hnäh¹ kyaah¹ juu¹ kaah¹ ni¹ sa¹ ga¹ jmeen¹ kyuu¹ hn¹ cha¹ miih¹. ² Ga¹ lla¹ dsën¹ he¹ sa¹ hlëehn¹ kih¹ wa¹ he¹ cha¹ he¹ juu¹, ma¹ la¹ juu¹ kih¹ Jesucristo ba¹ ga¹ kwan¹, ha¹ lä¹ ga¹ taay¹ dsöh¹ hma¹ cru¹.

³ Sa⁺ ma⁻ cha⁻ be⁻ kin⁺ lä⁺ ma⁻ gyan⁻ jee⁻ tääh⁻ hnäh⁻. Ga⁻lä⁻gohn⁺ lä⁻jiih⁻ ga⁻jlään⁻. ⁴ Lä⁺ ma⁻ ga⁻kwan⁻ juu⁻ sa⁻ ga⁻hlëehn⁻ hnäh⁻ lä⁻koo⁻ hlëeh⁻ jaa⁻ hi⁻ kyuu⁻ cha⁻miih⁻ mah⁻ ma⁻ jmeen⁻ lä⁻ngëeh⁻ hnäh⁻. Ga⁻lä⁻jnä⁻ jëe⁻ go⁻te⁻ he⁻ ga⁻hlëehn⁻ kyaah⁻ be⁻ he⁻ ga⁻kwa⁻ Jmi⁻lle⁻ kih⁻ Dio. ⁵ Lä⁻jwë⁻ ja⁻, ja⁻ kyaah⁻ he⁻ kyuu⁻ dsa⁻ cha⁻miih⁻ ga⁻jmeeh⁻ hnäh⁻ dsoo⁻ hoh⁻ hnäh⁻. Kyaah⁻ be⁻ kih⁻ Dio ba⁻ ja⁻, he⁻ ga⁻lä⁻dsoo⁻ hoh⁻ hnäh⁻.

Lä⁻la⁻ ba⁻ la⁻ huu⁻dsë⁻ llu⁻ kih⁻ Dio

⁶ Dsoo⁻ ba⁻ hlëeh⁻ jne⁻ kyaah⁻ huu⁻dsë⁻ llu⁻ jee⁻ kih⁻ dsa⁻ ma⁻kaah⁻ kyaah⁻ juu⁻ kih⁻ Dio. Pero ja⁻ kyaah⁻ huu⁻dsë⁻ he⁻ cha⁻ jmi⁻gyuu⁻ la⁻, ni⁻ kih⁻ hi⁻ jmee⁻ hih⁻ hi⁻ tääh⁻ na⁻ hi⁻ lle⁻ kih⁻ hee⁻ go⁻te⁻. ⁷ Hlëeh⁻ jne⁻ lä⁻koo⁻ la⁻ huu⁻dsë⁻ kih⁻ Dio he⁻ ma⁻ na⁻hmää⁻ jää⁻. Ma⁻ñe⁻ ba⁻ Dio, jää⁻ ja⁻ga⁻ nøø⁻ jmi⁻gyuu⁻ ha⁻ lä⁻ jwë⁻ tëy⁻ jne⁻ ya⁻jwii⁻ kiyh⁻. ⁸ Ni⁻ jaa⁻ dsa⁻ta⁻ hi⁻ chaa⁻ jmi⁻gyuu⁻ la⁻, sa⁻ ga⁻lä⁻ñe⁻ ha⁻ lä⁻ la⁻ huu⁻dsë⁻ kih⁻ Dio. Wa⁻ra⁻ jäh⁻ kih⁻ ga⁻lä⁻ney⁻, sa⁻ ma⁻ täy⁻ dsoh⁻ hma⁻cru⁻ Dsa⁻ta⁻ hi⁻ jøøh⁻ ga⁻ kih⁻ jee⁻ lä⁻jëe⁻. ⁹ Pero lä⁻la⁻ ba⁻ na⁻si⁻ juu⁻ kih⁻ Dio:

He⁻ sa⁻ ma⁻jëe⁻ dsa⁻, he⁻ sa⁻ ma⁻nuuy⁻, he⁻ sa⁻ ma⁻jmee⁻ dsa⁻
huu⁻dsë⁻ kih⁻,

he⁻ ja⁻ ba⁻ ma⁻mi⁻llu⁻ Dio kih⁻ lä⁻jëe⁻ hi⁻ hnää⁻ Dsa⁻jøøh⁻ jnän⁻.

¹⁰ Jnä⁻ jne⁻ ba⁻ ga⁻mi⁻jnää⁻ Dio ha⁻ lä⁻ la⁻ huu⁻dsë⁻ kiyh⁻ ta⁻la⁻ kyaah⁻ Jmi⁻lle⁻ kiyh⁻. Jëeh⁻ Jmi⁻lle⁻ kyuu⁻ ba⁻ ga⁻lä⁻jë⁻. Lä⁻kye⁻ huu⁻dsë⁻ kih⁻ Dio he⁻ sa⁻ lä⁻këh⁻ jne⁻ jmi⁻ lä⁻kyuu⁻ jne⁻, hi⁻ he⁻ ba⁻ kyuu⁻.

¹¹ Sa⁻ chaa⁻ dsa⁻ hi⁻ ñe⁻ ha⁻ lä⁻ la⁻ kih⁻ jñah⁻ dsa⁻. Ma⁻la⁻ jmi⁻lle⁻ kiyh⁻ ba⁻ ñe⁻. Ja⁻ba⁻ lä⁻ja⁻ la⁻ kih⁻ Dio ka⁻läh⁻. Sa⁻ chaa⁻ hi⁻ ñe⁻ ha⁻ lä⁻ laay⁻. Ma⁻la⁻ Jmi⁻lle⁻ kiyh⁻ hñiiy⁻ ba⁻ ñe⁻. ¹² Jne⁻ hi⁻ ma⁻heeh⁻ juu⁻ kih⁻ Dio, sa⁻ ga⁻hñah⁻ jne⁻ jmi⁻lle⁻ he⁻ cha⁻ jmi⁻gyuu⁻ la⁻. Ga⁻hñah⁻ jne⁻ Jmi⁻lle⁻ he⁻ ga⁻chee⁻ Dio mah⁻ lä⁻ñe⁻ jne⁻ ha⁻ lä⁻koo⁻ te⁻ he⁻ ga⁻kwëeh⁻ Dio jne⁻.

¹³ Kih⁻ he⁻ na⁻ ba⁻ hlëeh⁻ jne⁻. Pero ja⁻ kyaah⁻ juu⁻ he⁻ ma⁻mi⁻tëe⁻ jne⁻ kih⁻ dsa⁻ hi⁻ kyuu⁻ cha⁻miih⁻. He⁻ ma⁻mi⁻tëe⁻ jne⁻ kih⁻ Jmi⁻lle⁻ kih⁻ Dio ba⁻, he⁻ ja⁻ ba⁻ hlëehn⁻. He⁻ja⁻ kwa⁻ jnääh⁻ juu⁻ he⁻ gwa⁻ kiyh⁻ mah⁻ ngëen⁻ kih⁻ jñah⁻ hi⁻ ma⁻kye⁻ Jmi⁻lle⁻ lä⁻na⁻.

¹⁴ Jaa⁻ dsa⁻ ta⁻jmah⁻ hi⁻ sa⁻ ga⁻ ma⁻heeh⁻ kih⁻ Dio, sa⁻ heeyh⁻ he⁻ gwa⁻ kih⁻ Jmi⁻lle⁻ kih⁻ Dio. Juu⁻ ngaah⁻ ba⁻ la⁻ he⁻ ja⁻ kiyh⁻, hi⁻ ni⁻ sa⁻ lä⁻këyh⁻ jmi⁻ lä⁻ngëey⁻, jëeh⁻ kyaah⁻ be⁻ kih⁻ Jmi⁻lle⁻ Na⁻jngii⁻ ba⁻ lä⁻ngëe⁻ jne⁻.

¹⁵ Pero ta⁻ jyoh⁻ kō⁻taā⁻, hi⁻ ma⁻hyoh⁻ Jmi⁻lle⁻ Na⁻jngii⁻, lä⁻këyh⁻ jmi⁻ kay⁻ kwaat⁻ kih⁻ lä⁻jë⁻. Pero kiyh⁻ sa⁻ chaa⁻ hi⁻ ka⁻ kwaat⁻. ¹⁶ Lä⁻koo⁻ na⁻si⁻ juu⁻ kih⁻ Dio: “¿Hi⁻ ba⁻ kyuu⁻ he⁻ huu⁻dsë⁻ he⁻ jmee⁻ Dio? ¿Hi⁻ ba⁻ lih⁻ kwëeyh⁻ nuuh⁻?” Pero jnän⁻, ma⁻cha⁻ huu⁻dsë⁻ lä⁻koo⁻ la⁻ huu⁻dsë⁻ kih⁻ Cristo.

Ko⁻jøh⁻ ba⁻ wa⁻ jmeen⁻ ta⁻ la⁻ lä⁻jëe⁻ jne⁻

3 ¹ Lä⁻ja⁻ øøhn⁻, sa⁻ ga⁻la⁻ ma⁻ hlëehn⁻ hnäh⁻ lä⁻koh⁻ dsa⁻ ma⁻kaah⁻ hi⁻ ga⁻naä⁻ lä⁻ hnøø⁻ Jmi⁻lle⁻ Na⁻jngii⁻. Ga⁻hlëehn⁻ hnäh⁻ lä⁻koo⁻

lle` kih¹ dsa⁻ hi⁻ ga⁻naä¹ lä⁻koh¹ ngii⁺ jmi⁻ngo¹ kih¹. Ga⁻hlëehⁿ hnäh¹ lä⁻koö⁻ jaa⁻ chih¹ pih¹ hi⁻ na¹ ga⁻ma⁻løø¹ jwë¹ kih¹ Cristo. ² Ga⁻heehⁿ hnäh¹ lä⁻koö⁻ wa⁻juh⁺, kih¹ he⁻ sa⁺ ga⁻ma⁻lä⁻ngëë¹ hnäh¹ lä⁻koö⁻ ngëë¹ dsa⁻ ma⁻kaah¹. Hi⁺ lä⁻ ma⁻tääh¹ hnäh¹ ja⁻ lä⁻jiih¹ na¹. ³ Hi⁺ lä⁻ ma⁻ngoo¹ ja⁻ba¹ ga⁻naä¹ hnäh¹ lä⁻koö⁻ ngii⁺ jmi⁻ngo¹ kyah¹ hnäh¹. Chaa⁻ ko⁻llaa¹ hnäh¹ hi⁻ llih⁺, hi⁻ cha⁻ hni⁻ jee¹ kyah¹ hnäh¹, hi⁻ ti⁻chooh⁻ hnäh¹ juu¹. ¿Che¹ sa⁺ ñeh¹ hnäh¹, jmi⁻ngo¹ kyah¹ hnäh¹ ba¹ na⁻ he⁻ jøø⁺ he⁻ ga⁻naäh¹ hnäh¹ lä⁻koö⁻ dsa⁻ wa⁻ hi⁻ cha⁻ hi⁻? ⁴ Lä⁻ ma⁻ ga⁻jäh¹ hnäh¹: “Jnä¹ jmeen⁺ ko⁻jøh¹ kyaah¹ Paa¹”, mah¹ hi⁻ jñah¹ ga⁻jäh¹: “Jnä¹ jmeen⁺ ko⁻jøh¹ kyaah¹ Apolo”, ¿che¹ sa⁺ ñeh¹ hnäh¹, he⁻ ga⁻naä¹ hnäh¹ lä⁻koö⁻ ngii⁺ jmi⁻ngo¹ kyah¹ hnäh¹ ba¹ ja⁻?

⁵ ¿Hee⁻ ba¹ laa¹ jnä¹ ja⁻? ¿Hee⁻ ba¹ laa¹ Apolo? Sa⁺ cha⁻ he⁻ laa¹ jnääh¹ ni⁺ miih⁻. He⁻ jmee⁻ jnääh¹ ta⁻he¹ kih¹ Dio ba¹ ja⁻. Hi⁺ ta⁻la⁻ kyaa¹ jnääh¹ ga⁻heehⁿ hnäh¹ kih¹ Dio. Lä⁻jaa⁻ lä⁻jaa⁻ jnääh¹ ga⁻jmee¹ jnääh¹ ta⁻he⁻ ga⁻hñah¹ jnääh¹ kiyh¹. ⁶ Jnä¹ ga⁻jngëen¹ mi⁻ju⁻, Apolo ga⁻huu¹ jmi⁻, pero Dio ba¹ hi⁻ ga⁻mi⁻kwaa⁻ ta⁻he⁻ ga⁻jmee¹ jnääh¹. ⁷ Sa⁺ cha⁻ he⁻ laa¹ ni⁺ miih⁻ hi⁻ jngëe⁻ hi⁻ hi⁻ huu⁻ jmi⁻ he⁻ na⁻jnää¹. Dio ba¹ hi⁻ jøøh¹, hi⁻ he¹ ba¹ hi⁻ jmee⁻ dsa⁻kwaa⁺ ta⁻ kih¹. ⁸ Kwee⁻ ba¹ laa¹ hi⁻ jngëe⁻ kyaah¹ hi⁻ huu⁻ jmi⁻. Hi⁺ Dio ba¹ mi⁻hmaah⁻ kih¹ lä⁻jaa⁻ lä⁻jaa⁻ lä⁻koö⁻ te¹ ta⁻he⁻ jmeey⁺. ⁹ Jmee⁻ jnääh¹ ko⁻jøh¹ ta⁻ kih¹ Dio. Hi⁺ hnäh¹ laah¹ hnäh¹ lä⁻koö⁻ hwa¹ jee¹ jmee⁻ jnääh¹ ta⁻ kih¹ Dio, hi⁻ laah¹ hnäh¹ lä⁻koö⁻ hne⁻ juuh⁻ kiyh¹.

¹⁰ Kyaah¹ ta⁻he⁻ hä¹ goon⁺ he⁻ la⁻ ga⁻hyohn¹ kih¹ Dio, ga⁻jmeen¹ lä⁻koö⁻ jmee⁻ të⁻hyah⁺ hi⁻ ma⁻tëe⁻ llu¹, ga⁻jmeen¹ ma⁻tii¹ na⁻hyah⁻ kih¹ hne¹ ja⁻. Hi⁺ jñah¹ ba¹ hi⁻ choo⁺ na⁻hyah⁻. Pero lä⁻jaa⁻ lä⁻jaa⁻ jmee⁻ bii¹ jëey¹ kwee⁻ ha⁻ lä⁻ chooyh¹ na⁻hyah⁻ ja⁻. ¹¹ Sa⁺ chaa⁻ ni⁺ jaa⁻ hi⁻ na⁻ngë¹ jwë¹ jmee¹ jyoh¹ ma⁻tii¹ na⁻hyah⁻, lä⁻koh¹ he⁻ ma⁻na⁻la⁻. Jesucristo ba¹ laa¹ ma⁻tii¹ na⁻hyah⁻ ja⁻. ¹² Wa⁻ra⁻ ga⁻choo¹ dsa⁻ na⁻hyah⁻ ja⁻, ko⁻llaa¹ kooh¹ ku⁻nøø⁻, kuu⁻ tøø⁻, kuu⁻ he⁻ hmooh¹, jwi⁻ hma⁻, wa⁻ñii⁻, moo⁻ kij⁻. ¹³ Hi⁺ lä⁻jnä¹ ha⁻ lä⁻ ma⁻jmee¹ lä⁻jaa⁻ lä⁻jaa⁻. Jëeh¹ lloo⁻ koö⁻ jmi⁻ lä⁻jnä¹ kyaah¹ wa⁻je⁻, ha⁻ lä⁻ la¹ ta⁻he⁻ ma⁻jmeey¹. Wa⁻je⁻ ja⁻ mi⁻jnää⁺ che¹ llu¹ ta⁻ kiyh¹. ¹⁴ Cher⁻mah¹ ga⁻jä¹ koö⁻ hwëh⁻ ta⁻he⁻ ga⁻chooy¹ në¹ ma⁻tii¹ na⁻hyah⁻ ja⁻, hyoyh⁺ jñeey¹. ¹⁵ Hi⁺ cher⁻mah¹ ga⁻koo¹ ta⁻he⁻ ga⁻jmeey¹ ja⁻, ma⁻hee⁺ ba¹ ta⁻ ja⁻. Pero lä⁻äy¹ ba¹, le¹ kiyh¹ lä⁻koö⁻ he⁻ ga⁻laay¹ he⁻ ma¹ kaay⁺.

¹⁶ ¿Che¹ sa⁺ ñeh¹ hnäh¹ laah¹ hnäh¹ gwah⁺ kih¹ Dio hi⁻ ja⁻ba¹ Jmi⁻lle¹ kih¹ Dio hää¹ neh⁺ tuh⁻hoh¹ hnäh¹? ¹⁷ Cher⁻mah¹ chaa⁻ hi⁻ ga⁻hee¹ gwah⁺ kih¹ Dio, lä⁻ja⁻ hee¹ Dio hi⁻ he¹ ka⁻läh¹. Jëeh¹ na⁻jngii¹ gwah⁺ kih¹ Dio hi⁻ he¹ ba¹ hnäh¹, laah¹ hnäh¹ gwah⁺ kiyh¹.

¹⁸ Ta⁺ mi⁻gaa¹ hnäh¹ hñaa¹. Cher⁻mah¹ laah¹ hnäh¹ kyuuh⁻ hnäh¹ cha⁻miih⁻ lä⁻koö⁻ kyuu⁻ dsa⁻ jmi⁻gyuu⁺, jmää⁻ hnäh¹ hñaa¹ lä⁻koö⁻ jaa⁻ hi⁻ too⁻ ba¹ mah¹ lä⁻ja⁻ ba¹ lä⁻kyuu⁻ hnäh¹ cha⁻ga⁻miih⁻. ¹⁹ Jëeh¹, lä⁻jë⁺ he⁻ kyuu⁻ dsa⁻ jmi⁻gyuu⁺, kih¹ Dio sa⁺ jmää¹ he⁻ ja⁻ ni⁺ miih⁻. Lä⁻la⁻

na⁻si⁻ juu¹ kih¹ Dio: “Dio ba¹ lla⁻dsë⁻ kih¹ hi⁻ kyuu^h cha⁻miih⁻, ja⁻ba¹ kyaah¹ he⁻ kyuu^{yh} ja⁻ jmee¹ täyh¹.” ²⁰ Hi⁻ lä⁻ja⁻ na⁻si⁻ ka⁻läh¹: “Ñe⁻ ba¹ Dio sa¹ jmää¹ ni⁻ miih⁻ lä⁻jë⁻ hu^udsë⁻ kih¹ hi⁻ laa¹ kyuu^h cha⁻miih⁻.” ²¹ Heh¹ lä⁻ja⁻, ni⁻ jaa⁻ sa¹ wa¹ jmää¹ hñii¹ jøø^h kih¹ he⁻ jmeey¹ ko⁻jø^h kyaah¹ jaa⁻ dsa⁻kyaay^h. Jëeh¹ ko⁻ ba¹ laay¹ jee¹ lä⁻jë⁻. ²² Lä⁻ja⁻ Paa¹, kyaah¹ Apolo, kyaah¹ Pee¹, kyaah¹ kih¹ jmi⁻gyuu¹ la⁻, lä⁻ja⁻ he⁻ cha⁻ jne¹, he⁻ juu¹ jne¹, hi⁻ kih¹ lä⁻jë⁻ he⁻ cha⁻ na¹ kyaah¹ he⁻ na¹ ga¹ jä¹, ga¹lä⁻jë⁻ ba¹ la¹ jnän¹. ²³ Lä⁻ja⁻ ka⁻läh¹ laa¹ jne¹ kya¹ Cristo, hi⁻ Cristo laa¹ kya¹ Dio.

Lä⁻la⁻ la¹ ta¹ kih¹ apóstol

4 ¹ Lä⁻ja⁻, wa¹ jmee¹ dsa⁻ kwaat¹ laa¹ jnääh¹ hi⁻ jmee¹ ta¹ he¹ kih¹ Cristo ba¹, na⁻hñaa¹ jnääh¹ mah¹ mi⁻jnääh¹ jnääh¹ juu¹ kih¹ Dio he⁻ ma¹ na⁻hmää¹ jää¹. ² Hi⁻ kih¹ hi⁻ hä¹ goo⁻ ko⁻ ta¹, jmee¹ bii¹ mi⁻tey¹ kyaah¹ ta¹ he⁻ hä¹ gooy⁻. ³ Sa¹ cha⁻ he⁻ jmee¹ cher¹ mah¹ hnäh¹ o cher¹ mah¹ jñah¹ ka¹ kwaat¹ ha⁻ lä⁻ ngoon¹ kyaah¹ ta¹ kin¹. Ni⁻ jnä¹, sa¹ kyen¹ kwaat¹ ki⁻ hñiin¹. ⁴ Ma⁻ke¹ sa¹ hñii¹ hu^udsë⁻ llu¹ kin¹, pero ja¹ kyaah¹ he⁻ na⁻ hnø¹ jäh¹ ma⁻jän¹ llu¹. Dio ba¹ hi⁻ ngiih¹ kwaat¹ kin¹. ⁵ Lä⁻ja⁻, ta¹ ka⁻ hnäh¹ kwaat¹ kih¹ ni⁻ jaa⁻, ta¹ ko⁻ jiih¹ sa¹ ga¹ ma⁻jah¹ Dsa⁻ jøø^h jnän¹. Hi⁻ he¹ ba¹ mi⁻jnääh¹ lä⁻jë⁻ he⁻ hliih¹ he⁻ ma⁻jmee¹ jne¹ jee¹ na⁻hmää¹, hi⁻ mi⁻jnääh¹ ha⁻ lä⁻ la¹ neh¹ tuh⁻dsë⁻ jne¹. Ma⁻ja⁻ ba¹ hlëeh¹ Dio llu¹ kih¹ lä⁻jaa⁻ lä⁻jaa⁻ hi⁻ hwëë¹ llu¹.

⁶ He⁻ llu¹ kyah¹ hnäh¹ ba¹ na⁻ øøhn¹, he⁻ja⁻ ma⁻jwëëhn¹ hnäh¹ ha⁻ lä⁻ la¹ kin¹ kyaah¹ Apolo he⁻ sa¹ hnoon¹ jmää¹ dsa⁻ jnääh¹ kaah¹. Mah¹ lä⁻ja⁻ lä⁻ngëeh¹ hnäh¹ lä⁻ko⁻ hnø¹ jäh¹ juu¹ la⁻: “Ta¹ wa¹ ngëen¹ jwë¹ kih¹ lä⁻ko⁻ te¹ he⁻ na⁻si⁻.” Lä⁻ja⁻ ta¹ jmää¹ hnäh¹ jøø^h ni⁻ jaa⁻ mah¹ jñah¹ jmää¹ hnäh¹ ta¹ koo¹. ⁷ ¿Hi⁻ ba¹ na⁻ hi⁻ ga¹ jmää¹ hne⁻ jøø^h? ¿Hee⁻ ba¹ cha⁻ kyah¹ he⁻ sa¹ ga¹ kwa¹ Dio? Hi⁻ cher¹ mah¹ ma⁻hñah¹ ba¹ hne⁻ kih¹ Dio, ¿he⁻ la¹ jmää¹ hñaa¹ jøø^h? Lä⁻ko⁻ he⁻ sa¹ cha⁻ he⁻ ma⁻hñah¹ ba¹ jmeeh⁻.

⁸ Ma⁻cha⁻ ba¹ lä⁻jë⁻ he⁻ ma¹ hnooh⁻ hnäh¹, ma⁻cha⁻ ba¹ kuu¹ kyah¹ hnäh¹. Ma⁻gaa¹ hoh¹ jnääh¹. Jmää¹ hnäh¹ hñaa¹ lä⁻ko⁻ dsa⁻ ta¹. Llu¹ wa⁻ra⁻ jäh¹ kih¹ ma⁻ra⁻ ju⁻dsoo¹ ma⁻laah¹ hnäh¹ dsa⁻ ta¹ mah¹ jmee¹ jnääh¹ hih¹ ko⁻jø^h kyaah¹ hnäh¹. ⁹ Go⁻ laan¹, ga¹ llaa¹ Dio jnääh¹ hi⁻ laa¹ apóstole ta¹ hwa¹ go⁻te¹, lä⁻ko⁻ he⁻ ga¹ jmeey¹ hih¹ juu¹ jnääh¹. Lä⁻jë⁻ he⁻ ga¹ ngëë¹ jnääh¹ ga¹ jmee¹ ga⁻lä⁻dsaa⁻ dsë¹ dsa⁻ kya¹ jnääh¹, lä⁻kye⁻ ángele, hi⁻ lä⁻jëë⁻ dsa⁻ jmi⁻gyuu¹ ka⁻läh¹. ¹⁰ He⁻ hnää¹ jnääh¹ Cristo, he⁻ja⁻ laa¹ jnääh¹ lä⁻ko⁻ dsa⁻ too⁻ ba¹, pero kyah¹ hnäh¹ cha⁻ cha⁻miih⁻ hu^udsë⁻ llu¹ ta⁻ la¹ kih¹ Cristo. Sa¹ cha⁻ be¹ kya¹ jnääh¹, pero kyah¹ hnäh¹ cha⁻ cha⁻miih⁻. Hnää¹ dsa⁻ hnäh¹ pero jnääh¹ sa¹ taayh⁻ ta¹.

¹¹ Lä⁻jiih¹ na¹, kyaah¹ jnääh¹, na⁻ki⁻ dsë⁻ jnääh¹, sa¹ cha⁻ hmiih⁻ he⁻ kyeh¹ jnääh¹, kwa¹ dsa⁻ jwërte kya¹ jnääh¹, sa¹ cha⁻ jee¹ dsa⁻tooh¹ jnääh¹.

¹² Lä⁻jiih¹ ga⁻hwaa¹ jnääh¹ ga⁻jmee¹ jnääh¹ ta¹ mah¹ cha⁻ he⁻ jmee¹ bii¹

kyaa' jnaäh'. Pero dso'jwii' ba' kwëeh~ dsa- jnaäh', hi- jnaäh' ngii' jnaäh' he- llu' kih' hi- jwä~ dso'jwii'. Jëë' jnaäh' wii', pero kwëeh~ ba' dsë- jnaäh'. ¹³ Hlëeh- dsa- wii' kyaa' jnaäh', hi- ngii' jnaäh' llu' kiyh' kih' Dio. Lä' jih' na', sa' hii' lä' jmaa' jnaäh' go-te~ jmi-gyuu- la-, laa' jnaäh' lä' koo- wa' hløø- he- be~ dsa-.

¹⁴ Sa- ma-siin' he- la- mah' jäh' hnäh' kyaah' o-hih-. He- juuhn' miih- kyah' hnäh' ba' la-, kih' he- laah' hnäh' lä' koo- gyuu- kyaan- hi- hnaan-.

¹⁵ Ma-ke- chaa- gyaa' mil dsa- hi- hlëeh~ hnäh' juu' kih' Cristo, pero jaa- ba' hi- ga-hlëeh' hnäh' lä- ma' to-në' he-ja- laan' lä' koo- täa' kyaah' hnäh'. Jëeh' jnä' ba' ga-jmeen' ga-lä' chaa- hnäh' kyaah' ju'hmëë' kih' Cristo Jesús. ¹⁶ He-ja-, chuun' kyaah' hnäh', jmee' hnäh' lä' koo- jmee- jnä'. ¹⁷ He-ja- ba' na-, ma-cheen- Timotä dsa-jëë- hnäh'. Peer- hnaa- jnih'. Laay' lä' koo- gyuu- kyaan-, mi-tey' kih' Dsa-jøøh' jnan-. Hi- na- jmee' lä-dsooh~ hoh' hnäh' lä' koo- mi'ten` kih' Cristo. Jëeh' jmee- ba' jnä' lä' koo- ma-hlëehn` dsa- lä-kaa- gwah-, wa' ha- cha- ha- jee' täayh'.

¹⁸ Ko-lla- hnäh' ma-jmääh- hnäh' hñaah' kaah'. Laah' hnäh', jih'koh' sa- lloon~ na-jëen- hnäh'. ¹⁹ Pero chah' ba' niin` na-jëen- hnäh' cher'mah' lä-ja- hnøø' Dio. Ma-ja- jëen- che' cha- be' kih' hi- jmää- hñii' kaah', o che' ko-ja- hlëeh- bih'. ²⁰ Jëeh', he- tøøh' jne' kyaah' Dio, tøøh' jne' kyaah' be' kiyh', sa- la' kyaah' juu' he- koo- hlëeh' jne'. ²¹ ¿Ha- ba' lä'hnooh- hnäh'? ¿Che' na-jëen- hnäh' kyen' koo- si'hma-, o che' jmeen- hnaan- hnäh' kih' he- hwaan'?

Jaa- dsa-nuuh- ga-kaa' më jñah'

5 ¹ Hii' juu' cha- koo- he- hliih' jwërte jee' kyah' hnäh' he- sa- jmee- dsa- hi- sa- ma-heeh- kih' Dio. Jäyh', chaa- jaa- jee' kyah' hnäh' hi- kyaah' cho'hmay- (he- hnøø' jäh-: më' jmiiy-). ² Ha- ba' lä-ja- he- jmääh- hnäh' hñaah' kaah'. Llu' ga' wa-ra- jäh' kih' ki'hooh' hnäh' mah' lleeh' hnäh' hi- jmee- dso'kye- lä-na-, jee' kyah' hnäh'. ³ Ma-ke- sa' gyan' kyaah' hnäh', pero ma-ra- he- hää' ba' jnä' jee' kyah' hnäh' kyaah' jmi-llë' kin-. Ma' ba' jnä', ha- lä- jmeen- kih' hi- ga-jmee' dso'kye- na-, lä' koo- he- gyan' ko-jøh' kyaah' hnäh' ba' ma-la-. ⁴ Ja- go-taah' hnäh' ko-jøh' kwaan- kih' Jesucristo Dsa-jøøh' jnan-, hi- jmee' hnäh' kwaan- he- hä' jmi-llë' kin- ko-jøh' kyaah' hnäh'. Ma-ja- kyaah' be' kih' Jesucristo Dsa-jøøh' jnan-, ⁵ ngëë- hnäh' dsa- na- ja-goo- Tana' mah' wa' juu' jmi-ngo' kiyh'. Mah' lä-ja- lää' jmi-llë' kiyh' wa-ra- ga-të' jee' jäh' Dsa-jøøh' jnan-.

⁶ Sa- llu' he- jmääh- hnäh' hñaah' kaah'. ¿Che' sa- ñeh' hnäh', miih- ba' levadura lee- kaah' dsa- lä-kaa- koo- nää' tu'ka'? ⁷ Jñuuh' hnäh' levadura ma-gyuh- na- mah' leeh' hnäh' koo- nää' tu'ka' hmëë' ba' he- sa' kyaah' levadura, lä-llu' he- ma-na-jngëeh' hnäh' na'. Jëeh', he- llu' jnan- he- ga-jngëeh' dsa- Cristo hi- laa' borrego mäh' jnan-. ⁸ La' lä' koo- he- tøøh' jne' jmi' he- kyehn' borrego mäh' jee' sa- le' kihn' levadura.

He_ja_ wa' jnuuhn' kih' he_ hlih'. Mo^so^ wa' jmee' ga' jne' he_ ngii^ jmi_ngo^ jnan`. He_ na_ la' la^kqh' levadura ma_gyuh_. Wa' kyen' koo_ nee' ba' huudsē_ la^ hnøø^ kih' ju'dsoo'. He_ na_ la' la^koo_ he_ kihn' he_niuh' he_ sa^ kyaah' levadura.

⁹ La^ ma' ga^siin' kyah' hnäh' jää', ga^jwëhn' hnäh', mo^to^ jmee_ hnäh' ko_jøh' kyaah' hi_ ga^naä' kyaah' wa' hi_ cha_ hi_. ¹⁰ Sa^ jwahn' kih' dsa_ hi_ sa^ ma_heeh_ juu' kih' Dio, hi_ kaah_ wa' hi_ cha_ hi_, hi_ hnøø^ lih^ cha_miih_ kuu', hiiy_ kih' dsa_, jmääy_ jøøh' dio hi_ na_laa_ kaah_ dsa_. Cher'mah' tøøh' ba' jne' jmi_gyuu^ la_, ma^ra^ he_ tøøh' ba' jne' jee' kih' dsa_ hi_ jmee^ lä^na_. ¹¹ Lä^la_ ba' ga^siin' kyah' hnäh'. Mo^to^ jmee_ hnäh' ko_jøh' kyaah' ni^ jaa_ hi_ jäh' laay' øøh' jne' cher'mah' kaayh_ wa' hi_ cha_ hi_, hi^ cher'mah' hnøøy^ liyh^ cha_miih_ kuu', jmääy_ jøøh' hi_ na_laa_ kaah_ dsa_, hlëeyh^ wii' kih' dsa^, laay' lla_hiih_, hiiy_ kih' dsa^_. Ni^ ta^ kuh_ hnäh' ko_jøh' kyaayh'. ¹² Sa^ ga^tëen' llan' ta' kih' hi_ sa^ ma_heeh_ juu' kih' Dio. Pero kih' hi_ jmee^ ko_jøh' kyaah' jne', ¿he^la' sa^ lla' jne' ta' kiyh'? ¹³ He_ja_ lee_ hnäh' hi_ hlëeh' he' jee' kyah' hnäh'. Pero Dio ba' lla' ta' kih' hi_ sa^ ma_heeh_ juu' kih'.

Ma' hnaah_ øøyh^ dsa^ta^ cha^ne^ hi_ sa^ ma_heeh_ juu' kih' Dio

6 ¹ Cher'mah' chaa_ jaa_ hi_ cha_ hni_ kih' kyaah' øøh^, ¿che' sa^ lä_hiiyh' dsooy' ne'ta^ cha^ne^ jaa_ hi_ sa^ ma_heeh_ juu' kih' Dio, lla^ he_ ma' dsooy' cha^ne^ hi_ laa^ kyaa^ Dio? ² ¿Che' sa^ ñeh' hnäh' lloo_ koo_ jmi_ hi_ na_jngëe' ba' llay' ta' kih' dsa_ jmi_gyuu^? He_ja_ cher'mah' hñah^ hnäh' jwë' llah' hnäh' ta' kih' dsa_ jmi_gyuu^, he^la' sa^ le' llah' hnäh' ta' kih' koo_ mi_juu' he_ sa^ la' juuh'? ³ ¿Che' sa^ ñeh' hnäh' lla' jne' ta' kih' ángele ka_läh'? ¿Ha_ lä^ja_ sa^ le' lla' jne' ta' kih' hi_ chaa_ jmi_gyuu^ la'? ⁴ He_ja_ ga' ma_cha_ koo_ hni_ jee' kyah' hnäh' jmi_gyuu^ la_, ¿he^la' go^tøøh' hnäh' goo_ hi_ sa^ ma_heeh_ juu' kih' Dio? ⁵ Hlëehn' lä^na_ mah' jä_ o_hih^ kyah' hnäh'. ¿Ha_ lä^ la' kyah' hnäh'? ¿Che' sa^ chaa_ ni^ jaa_ øøh' hnäh' hi_ cha_ huudsē_ llu' kih' mah' mi_eey^ juu' kyah' hnäh'? ⁶ Lla^ he_ ma' jmeeh' hnäh' lä^ja_, te_jëeh' hnäh' kyaah' øøh' hnäh' mah' ga^naäh' hnäh' cha^ne^ hi_ sa^ ma_heeh_ juu' kih' Dio mah' llay' ta' kyah' hnäh'.

⁷ Kih' he_ te_jëeh' hnäh', ma_hlääh_ hnäh' kyaah' dsa_kyaah' hnäh'. ¿He^la' sa^ kwëeh_ hoh' hnäh' cher'mah' lla_dsëey_ hnäh'? ¿He^la' sa^ kwëeh_ hoh' hnäh' cher'mah' jmeeyh^ hnäh'? ⁸ Lla^ he_ ma' kwëeh' hoh' hnäh', lla_dsëeh_ hnäh' kih' dsa^, mah' jmeeh' hi_ laa^ ja_ba_ øøhn'.

⁹ ¿Che' sa^ ñeh' hnäh', lä^jëe_ hi_ hñaa_ dsē', sa^ heyh' ya^jwii' kih' Dio? Ta^ mi_gaa' hnäh' hñaa'. Hi_ sa^ na_jee_ goo_ kaayh_ wa' hi_ cha_ hi_, kyaah' hi_ jmää_ jøøh' dio hi_ na_laa_ kaah_ dsa_, kyaah' hi_ na_jee_ goo_ kaayh_ hi_ laa^ kyaa^ jñah', kyaah' dsa_ñuuh_ hi_ jmee^ lä^ jmee^ dsa_mē', kyaah' dsa_ñuuh_ hi_ kaah_ he' ba' dsa_ñuuh_ dsa_kyaayh', hi_

he' sa' heh' ya' jwii' kih' Dio. ¹⁰ Lä' ja' hi' hii' kih' dsa', hi' hee' dsé' kuu', lla' hiih', hi' jwä' dso' jwii' kih' dsa' kyaah', hi' ga' nää' mi' gaa' dsa', sa' heyh' ya' jwii' kih' Dio. ¹¹ He' ja' ma' laa' ko' llaa' hnäh'. Pero na' ma' na' che' dso' kye' kyah' hnäh', ma' na' jngëeh' hnäh', hi' lluu' hnäh' ta' la' kih' Jesucristo Dsa' jøøh' jnän', hi' ta' la' kih' Jmi' lle' kih' Dio jnän'.

Hnøø' dsa'tooh' jne' jmeen' lä' hnøø' Dio

¹² Ga' lä' jë' ba' na' ngën' jwë' jmeen', pero ja' lä' jë' jmää' ta'. Ga' lä' jë' ba' na' ngën' jwë' jmeen', pero sa' jmeen' mah' sa' lla' dsëë' kin' ni' miih'. ¹³ Lä' jë' ma', la' kih' tuh' jne', lä' ja' tuh' jne', la' kih' ma'. Pero kwee' ba' hee' Dio lä' to'. Sa' ga' jmää' Dio jne' mah' kaah' jne' wa' hi' cha' hi'. Ga' jmeey' jmi' ngo' he' kye' jne' mah' jmee' ta' he' kiyh'. Hi' lä' ja' ka' läh', he' llu' jnän' ba' chaa' Dio. ¹⁴ Hi' lloo' koo' jmi', Dio hi' ga' mi' jiih' Dsa' jøøh' jnän', he' ba' hi' he' mi' jiih' jne' ka' läh' kyaah' be' kiyh'.

¹⁵ ¿Che' sa' ñeh' hnäh' jmi' ngo' he' kye' jne' la' ma' la' koo' ba' kyaah' Cristo? ¿Che' jnuuhn' jaa' hi' ma' laa' koo' kyaah' Cristo mah' kwëëhn' jaa' dsa' më' hi' hnëë' hñii' kyaah' wa' hi' cha' hi'? Ni' miih' sa' sooh' lä' ja'. ¹⁶ ¿O che' sa' ñeh' hnäh' jaa' hi' kyaah' dsa' më' hi' ngë' kyaah' wa' hi' cha' hi', ma' laay' koo' jmi' ngo' kyaayh'? Jëeh', lä' koo' na' sii' juu' kih' Dio: "Lä' uu' lee' jaa' ba'". ¹⁷ Pero hi' jmee' ko' jøh' kyaah' Dsa' jøøh' jnän', kyey' koo' ba' jmi' lle' kyaayh'.

¹⁸ Hää' hnäh' hñaa' cha' miih', ta' kaah' wa' hi' cha' hi'. Jëeh' wa' he' cha' he' ga' jyoh' dso' kye' he' jmee' dsa', sa' hnoo' dsoo' kih' jmi' ngo' kiyh'. Pero hi' kaah' wa' hi' cha' hi', he' jmeeyh' hñiiy' ba' ja'. ¹⁹ ¿O che' sa' ñeh' hnäh', heh' jmi' ngo' jnän' la' gwah' kih' Jmi' lle' Na' jngii'? Hi' he' hää' neh' tuh' dsë' jne' hi' ga' kwëëh' Dio jne'. Hi' sa' laa' jne' dsa' juu' jmi' ngo' jnän', Dio ba' he' hi' laa' dsa' juu'. ²⁰ Jëeh', hmoo' kyaah' ga' laa' Dio jne'. He' ja' kyaah' jmi' ngo' jnän' wa' jmeen' juuh' kih' Dio, hi' lä' ja' kyaah' jmi' lle' jnän', jëeh' lä' to' he' la' la' kih'.

Hweh' la' he' jee' dsa' goo'

7 ¹ Na' jeehn' kyah' hnäh' juu' he' ga' siih' hnäh' kin'. Llu' la' kih' dsa' cher' mah' sa' ga' jee' gooy'. ² Pero kih' he' kaah' dsa' wa' hi' cha' hi', he' ja' jwahn', lä' jaa' dsa' ñuuh' wa' kyaay' jaa' dsa' më', hi' lä' jaa' dsa' më', wa' kyaay' jaa' dsa' ñuuh'. ³ Hih' dsa' ñuuh', hnøø' mi' tey' kyaah' dsa' më' kyaay'. Ja' ba' lä' ja' dsa' më' hnøø' mi' tey' kyaah' dsa' ñuuh' kyaay' ka' läh'. ⁴ Jëeh' dsa' më' sa' laay' juu' jmi' ngo' kiyh', dsa' ñuuh' ba' laa' juu'. Lä' ja' ka' läh' dsa' ñuuh', sa' laay' juu' jmi' ngo' kiyh', mëy' ba' laa' juu'. ⁵ Lä' uu' ba', dsa' më' dsa' ñuuh', sa' le' jäyh' he' sa' hnoon' ni' miih'. Pero cher' mah' lä' uu' ga' taayh' juu' kwee' lä' øøy' miih' jmi' ta' ko' jiih' dsa' taayh' ngiiy' kiyh' kih' Dio, llu' ba'. Hi'

ga' ma'ngëë' he' ja', wa' mi'tey' ka'läh' lä'uuy' mah' lä'ja' sa' kaah'
Tana', wa'ra' sa' ga'lä'be' dsëy'.

⁶ He' jwahn' lä'na', he' kwan' jwë' ba', ja' he' jmeen' mada'. ⁷ Hnoo'
ga' jnä' wa'ra' jäh' kih' lä'jëë' ba' dsa' kwëeh' dsë' lä'koo' jnä'. Pero
lä'jaa' lä'jaa' jne' ga'hñah' jne' lä'koo' te' he' ga'kwa' Dio. Jaa' jmee'
koo', hi' jñah' jmee' jyoh'.

⁸ Kih' hi' sa' ga' ma'jee' goo' hi' lä'kye' kih' dsa' hñi', jwahn', llu' la'
kiyh' cher'mah' ga'jäy' hñiiy' lä'koo' jnä'. ⁹ Pero cher'mah' sa'
ga'kwëeh' dsëy' jäy' hñiiy' lä'jiih' jmi' chaay', wa' jee'y' gooy'. Jëeh' llu'
ga' he' jee'y' gooy' lä'koh' ga' he' tu'ja' tuh' dsëy' kih' wa' hi' cha' hi'.

¹⁰ Pero kih' hi' ma'na'jee' goo', jmeen' mada', (ja' he' hñiin' jwahn',
Dio ba' hi' jäh'), dsa'më' ta' wa' beey' dsa'nñuh' kyaa'. ¹¹ Cher'mah'
ga'beey' øøyh', sa' wa' jee'y' gooy' kyaah' jñah', o wa' dsa'jeeyh' kyaah'
dsa'nñuh' kyaay' ba'. Hi' kih' dsa'nñuh' jwahn', sa' wa' beey' dsa'më'
kyaay'.

¹² Pero kih' jee' lä'jëë' ga' jñah', jnä' jwahn' (ja' he' Dio). Cher'mah'
chaa' jaa' øøh' jne' hi' kyaah' dsa'më' hi' sa' ma'heeh' kih' Dio, hi'
cher'mah' heeh' ba' dsa'më' gya' kyaah' øøh' jne' he', sa' wa' beey'.

¹³ Hi' cher'mah' chaa' jaa' dsa'më' øøh' jne' hi' kyaah' dsa'nñuh' hi' sa'
ma'heeh' kih' Dio, hi' cher'mah' heeh' ba' dsa'nñuh' gya' kyaah' øøh'
jne' he', sa' wa' beey'. ¹⁴ Jëeh', dsa'nñuh' hi' sa' ma'heeh' kih' Dio,
ma'na' jngëëy' ta' la' kih' mëy'. Hi' ja' ba' lä'ja' dsa'më' hi' sa' ma'heeh'
kih' Dio, ma'na' jngëëy' ta' la' kih' dsa'nñuh' kyaay'. Wa'ra' jäh' kih' sa'
la' lä'ja', chih' kyaay' jä' lä' ma'sah' ja' ba'. Pero ta'ko'jiih' täayh'
ko'joh' ma'na' jngëë' bih'. ¹⁵ Pero cher'mah' hi' sa' ma'heeh' kih' Dio
ga'beey' dsa'kyaayh', wa' beey' kih'. Cher'mah' ga'la' lä'ja', sa' la' he'
wi' kih' dsa'më' dsa'nñuh' øøh' jne' he' dsa'taayh' ko'joh'. He' hii' tii'
jnän' ba' ga'tëeh' Dio jne'. ¹⁶ Jëeh' hne' dsa'më' øøhn', sa' ñeh' hne' che'
lä'leh' lääh' dsa'nñuh' kyaah'. Lä'ja' hne' dsa'nñuh', sa' ñeh' che' lä'leh'
lääh' dsa'më' kyaah'.

Wa' heeh' ba' jne' dsa'toohn' lä'koo' ma'tøohn' la'

¹⁷ Lä'jaa' lä'jaa' jne', wa' dsa'toohn' kyaah' he' ga'hñah' jne' kih'
Dsa'jøøh' jnän', lä'koo' ma' ga'tëeh' Dio jne'. ¹⁸ Cher'mah' ma'ngëë'
ma'tuy' jmi'ngo' kyah' lä' ma' ga'tëeh' Dio hne', jä' ba' hne' lä'na'. Pero
cher'mah' sa' ga'tuy' jmi'ngo' kyah' lä' ma' ga'tëeh' Dio hne', sa' jmee'
bii' uuh' jmi'ngo' kyah'. ¹⁹ Sa' cha' he' hnøø' jäh' ni' miih' he' ga'wih'
jmi'ngo' jnän', o he' sa' ga'wih'. Kih' jee' lä'jëë', hnøø' nuuh' jne' mada'
kih' Dio ba'. ²⁰ Lä'jaa' lä'jaa' wa' jäy' ba' kih' lä' ma'täayh' ja', lä'koo'
ma' ga'heeyh' kih' Dio. ²¹ Cher'mah' ma'na'hñëeh' jmeeh' ta' kih' dsa',
lä'koo' ma' ga'tëeyh' hne', ta' jmee' cha'miih' huudsë'. Pero cher'mah'
cha' jwë' kyah' lääh' hñah', kwa' be' lää' hñah'. ²² Jëeh' jaa' hi' ma'
na'hñëë' jmee' ta' kih' dsa' lä'koo' ma' ga'tëeh' Dio, ma'na'lää' bih' kih'

Dio. Pero jaā hī sā nā hnēē' jmeē' ta' kih' dsā lä'koō ma' ga'tēēh'
 Dio, na' ma' nā hnēēy' jmeey' ta' he' kih' Cristo ba'. ²³ Hmooh' kyaah'
 ga'laa' Dio jne', he' jā ta' hnēē' hnäh' hñaah' mah' jmeeh' ta' kih' dsā
 lä'jmī' lä'je'. ²⁴ Lä'jaā lä'jaā hnäh' øøhn', wa' tääh' hnäh' kih' lä'koō
 ma'tääh' hnäh' na', lä'koō ma' ga'heeh' hnäh' kih' Dio.

Nuuh' kih' dsāmē' dsāñnuuh' hī sā na'jee' goo'

²⁵ Kih' dsāñnuuh' hī sā ma'kaah' dsāmē' hi' kih' dsāmē' hī sā
 ma'kaah' dsāñnuuh', juu' he' kwan' la' sa' la' mada' kih' Dio. Pero sa'
 la' kyaah' juu' ta'jmah'. Jēēh' ma'lä'ñih' dsē' Dio kin' he'jā hlēēhn'
 ju'dsoo' jmah' ba'. ²⁶ Lä'koō la' jmī' he' tøøhn' na', kih' he'jā laan', go'
 llu' ga' he' go'taah' hnäh' lä'koō ma'tääh' hnäh' na'. ²⁷ Cher'mah' chaā
 dsāmē' kyaah', ta' jmeē' huud'sē' beeh' hnih'. Hi' cher'mah' sa' chaā
 dsāmē' kyaah', ta' jmeē' bii' jeeh' gooh'. ²⁸ Cher'mah' ga'kyaah'
 dsāmē', sa' la' hliih'. Lä'jā chih'mē' kwaā, cher'mah' ga'kaay'
 dsāñnuuh', sa' jmeey' hliih'. Pero kih' hī dsājee' goo', jä' cha'mīh'
 huud'sē' nē' kiyh'. Hi' hnoon' wa'ra' jäh' kih' ni' mīh' he' ja' sa' jēēh'
 hnäh'.

²⁹ Ma'ngoo' ya'jäh' jmī', he'jā na' jwahn' øøhn': Na' ta' cha'nē', hih'
 hī kyaah' dsāmē', lä'koō he' sa' kyaah' bih' wa' jmeey'. ³⁰ Hih' hī
 ti'meeh' dsē', wa' gaa' dsēy'. Hih' hī jēē' dsē', wa' jmeey' lä'koō he' sa'
 jēē' dsēy'. Hih' ga'nää' la' løø', wa' jmeey' lä'koō he' sa' cha' kiyh' ba'.
³¹ Hih' hī koooh' jmeē' he' cha' jmi'gyuuh' la', wa' jmeey' lä'koō he' sa'
 jmeē' bii' kiyh' ba'. Jēēh' lä'jē' he' jēē' jne' jmi'gyuuh' la', he' dsa'ngēē'
 ba' jā.

³² Hnoon' wa'ra' jäh' kih' sa' cha' ba' he' kih' kah' hnäh' huud'sē'.
 Dsāñnuuh' hī sa' ga' ma'jee' goo', hī he' hnaah' Dio, hnooyh' ha' lä'
 jee' tih' dsē' Dio ba'. ³³ Pero hī kyaah' dsāmē', kyē' gyih' huud'sē' kih'
 he' cha' jmi'gyuuh' la', hnooyh' ha' lä' jee' tih' dsē' mēy' ba'. ³⁴ Lä'jā
 ka'läh', kah' ba' la' kih' dsāmē' hī kyaah' dsāñnuuh', hi' kih' chih'mē'
 kwaā hī tääh' hñii'. Chih'mē' kwaā he', hnaah' gyih' Dio, ngēēy'
 hñiiy' kyaah' jmi'lle' kiyh' kih' Dio. Pero hī na'jee' goo', kyē' gyih'
 huud'sē' kih' he' cha' jmi'gyuuh' la', hnooyh' ha' lä' jee' tih' dsē'
 dsāñnuuh' kyaay' ba'. ³⁵ He' la' ma'jwahn' mah' jmää' ta' kyah' hnäh'.
 Ja' he' hnoon' han' kyah' hnäh'. Hnoon' go'taah' hnäh' lä'koō lle' kyah'
 hnäh' mah' hnaah' hnäh' Dsa'jøøh' jnän' lä'kaa' tuh'hoh' hnäh'.

³⁶ Cher'mah' jaā dsa' chaā chih'mē' kyaa' hī ma'tē' jī'ñē' jee'y'
 gooy', hi' cher'mah' jmeey' huud'sē' sa' sooh' jäy' hñiiy', hi' laay',
 jmeē' bii' jee'y' gooy', wa' jee'y' gooy'. Jēēh' lä'jā lla' dsēy', sa' la' hliih'.
³⁷ Pero cher'mah' chaā jñah' hī ma'jmeē' koō ba' huud'sē', hi' sa' la'
 kyaah' he' wii', jmeey' lä'koō hyoh' dsēy' ba', cher'mah' ma'jmeey'
 koō ba' huud'sē' sa' kwaay' chih'mē' kyaay' jee' goo', he' jmeey' llu'
 ba' jā. ³⁸ Heh' lä'jā, cher'mah' hī ga'kwaa' chih'mē' kyaa' jee' goo',

jmeey⁺ llu¹ ba' ja⁻. Pero cher'mah¹ sa⁺ ga⁻ kwaay¹ jee' goo⁻, llu¹ ga' he⁻ jmeey¹ lä⁺ ja⁻.

³⁹ Dsa⁻ me' hi⁻ na⁻ jee⁻ goo⁻, laay¹ kya¹ jaa⁻ dsa⁻ ñuuh⁻ lä⁺ hih⁺ kih¹ ley, ta¹ ko⁻ jiih¹ chaa⁻ dsa⁻ ñuuh⁻ kyaay¹. Pero cher'mah¹ ga⁺ juu¹ dsa⁻ ñuuh⁻, ma⁻ cha⁻ jwë¹ kiyh¹ jee¹ gooy⁻ ka⁻ läh⁺ kyaah¹ hi⁻ tih¹ dsëy¹, la⁺ ra⁺ laa¹ jaa⁻ dsa⁻ ñuuh⁻ hi⁻ ma⁻ heeh⁻ juu¹ kih¹ Dio. ⁴⁰ Hi⁺ jnä⁺ laan⁺, llu¹ ga' la¹ kiyh¹ cher'mah¹ ga⁺ jäy⁺ hñiiy⁺. Pero sa⁺ la¹ kyaah¹ huud⁺ dsë⁻ ta⁺ jmah¹ he⁻ ma⁻ jwahn¹ lä⁺ na⁻, jëeh⁺ kyaah¹ ba' jnä⁺ Jmi⁻ lle⁺ kih¹ Dio.

Ma¹ he⁻ kwëeh[~] dsa⁻ dio hi⁻ na⁻ laa⁺ kaah[~] dsa⁻

8 ¹ Na¹ ngëen⁺ juu¹ kyah¹ hnäh⁺ kih¹ ma¹ he⁻ kwëeh[~] dsa⁻ dio hi⁻ na⁻ laa⁺ kaah[~] dsa⁻. Lä⁻ jëë⁺ ba' jne⁺ kyuu^{h~} jne⁺ ma⁺ miih⁻. Hi⁺ ta¹ la⁺ kih¹ he⁻ kyuu^{h~} jne⁺, he⁻ ja⁻ gwa⁺ jmään⁺ hñaan¹ kaah⁺. Pero he⁻ hnää⁺ jne⁺ dsa⁻ kyaahn⁺, he⁻ na⁻ kwa⁺ be⁺ he⁻ dsa⁻ toohn⁺ cha⁻ ga⁺ miih⁻ llu¹ kyaah¹ Dio. ² Hi⁻ laa⁺ kyuu^{h~} cha⁻ miih⁻, sa⁺ ga⁺ ma⁻ kyuu^{h~} lä⁺ ko⁻ te¹ lle⁺ lä⁺ kyuu^{h~}. ³ Pero jaa⁻ hi⁻ hnää⁺ Dio, kyuu⁺ ba' Dio hi⁻ he⁺.

⁴ Kih¹ ma¹ he⁻ lla⁺ dsa⁻ cha⁻ nē⁺ dio hi⁻ na⁻ laa⁺ kaah[~] dsa⁻, ma⁻ ñe⁺ ba' jne⁺ sa⁺ cha⁻ he⁻ laa¹ dio he⁺ ni⁺ miih⁻ jmi⁻ gyuu⁺ la⁻. Jaa⁻ ba' Dio chaa⁻. Sa⁺ chaa⁻ ga⁺ jñah⁺ Dio. ⁵ Ma⁻ ke⁺ gyuu^{h~} hwa¹ la⁻ jäh⁺ dsa⁻ chaa⁻ ja⁺ hi⁻ jaa⁻ dio, (jëeh⁺ ma⁻ ra⁺ he⁻ chaa⁻ jwëë⁺ dio, hi⁺ lä⁺ ja⁻ chaa⁻ jwëë⁺ dsa⁻ kaah⁺ ka⁻ läh⁺). ⁶ Pero jnä⁺ jne⁺, jaa⁻ Dio ba' chaa⁻ hi⁻ laa¹ Tää⁺ jnän⁻. Ga⁺ lä⁺ jē⁺ ba' he⁻ cha⁻, hñiiy⁺ ba' ga⁺ jmeey⁺, hi⁺ ga⁺ jmääy¹ jne⁺ mah¹ jmää¹ jne⁺ kiyh¹. Hi⁺ jaa⁻ ba' Dsa⁻ jøøh¹ jnän⁻ chaa⁻. Hi⁻ he⁺ he⁺ Jesucristo. Ta¹ la⁺ kiyh¹ ba' cha⁻ ga⁺ lä⁺ jē⁺, lä⁺ ja⁻ ta¹ la⁺ kiyh¹ ba' chaa⁻ jne⁺ ka⁻ läh⁺.

⁷ Pero ja⁺ lä⁺ jëë⁺ kyuu^{h~} ha⁻ lä⁺ la¹ juu¹ la⁻. Ko⁻ llaa¹ hi⁻ ma⁺ tēë¹ jmee⁺ he¹ kih¹ dio hi⁻ na⁻ laa⁺, gwa⁺ huud⁺ dsë⁻ kiyh¹ kyaah¹ dio he⁺, wa⁻ ra⁻ ga⁺ kuyh⁻ ma¹ he⁻ lla⁺ dsa⁻ cha⁻ nē⁺ hi⁻ he⁺. Kih¹ he⁻ sa⁺ la¹ ko⁻ ba' huud⁺ dsë⁻ kiyh¹, he⁻ ja⁻ laay⁺ mi⁻ sayh⁺ hñiiy⁺. ⁸ Dsoo⁺ ba', ja⁺ kyaah¹ he⁻ kih⁻ hih⁻ jne⁺ na⁻, jmee⁺ he⁻ hnää⁺ Dio jne⁺. Ja⁺ kyaah¹ he⁻ kih⁻ hih⁻ jne⁺ na⁻, jmee⁺ lee⁺ jne⁺ lluu¹ cha⁻ ga⁺ miih⁻, ni⁺ sa⁺ jän⁺ hliih¹ cher'mah¹ sa⁺ ga⁺ kih¹ lä⁺ jē⁺ nēë¹ he⁻ cha⁻.

⁹ Ma⁻ ke⁺ na⁻ ngē¹ jne⁺ jwë¹ kih⁻ hih⁺ wa⁺ he⁻ cha⁻ he⁻, hnøø¹ leeh⁺ jne⁺ mah¹ sa⁺ täh⁺ hi⁻ sa⁺ la¹ ko⁻ ba' huud⁺ dsë⁻ kih¹, kwaat[~] jnän⁻. ¹⁰ Cher'mah¹ chaa⁻ jaa⁻ hi⁻ sa⁺ la¹ ko⁻ huud⁺ dsë⁻ kih¹, ga⁺ jëëy¹ hnäh⁺, hi⁻ ma⁻ kyuu^{h~} miih⁻, tääh⁺ hnäh⁺ nē⁺ mes[~] koo⁺ jee⁺ tääh⁺ heeh⁺ kih¹ dio hi⁻ na⁻ laa⁺ he⁺, goo⁻ la¹ kiyh¹, jä⁺ lä⁺ hee⁺ dsëy¹ kuyh⁺ he⁻ ma⁻ lla⁺ dsa⁻ cha⁻ nē⁺ heeh⁺ ja⁻.

¹¹ He⁻ ja⁻, dsoo⁺ kyah¹ hnäh⁺ hi⁻ ma⁻ kyuu^{h~} miih⁻, täh⁺ øøh¹ hi⁻ sa⁺ cha⁻ be⁺ kih¹, hi⁺ kih¹ hi⁻ he⁺ ba⁺, ga⁺ juu¹ Cristo. ¹² Lä⁺ ja⁻, cher'mah¹ ga⁺ jmeeh⁺ hnäh⁺ hña⁻ hoh⁺ kih¹ øøh¹ jne⁺, hi⁺ jmeeh⁻ hnäh⁺ sa⁺ kyeë⁺ huud⁺ dsë⁻ kih¹ hi⁻ sa⁺ cha⁻ be⁺ kih¹, he⁻ ma⁻ hlääh⁻ hnäh⁺ kih¹ Cristo ba' ja⁻. ¹³ He⁻ ja⁻ cher'mah¹ ma¹ he⁻ kih¹ jne⁺, jmeen⁺ täh⁺ jaa⁻ øøhn¹, mo⁻ so⁺ kih¹ ga⁺ jne⁺ ka⁻ läh⁺ ngo¹ jih¹ koh⁺ mah¹ sa⁺ jmeen⁺ tēh¹ øøh¹ jne⁺.

Na⁻ngë¹ jwë¹ apóstole hyoh⁺ miih⁻ he⁻ jmee⁺ bii¹ kiyh¹

9¹ ¿Che⁺ sa⁻ laan¹ apóstol laah⁺ hnäh⁺? ¿Che⁺ sa⁻ na⁻ngën¹ jwë¹ jmeen⁻ lä⁻koo⁻ jmee⁺ jñah⁺ apóstole? Jëeh⁺, ma⁻ra⁺ he⁻ ga⁺jëen⁻ Jesús Dsa⁻jøøh¹ jnän⁻. Hi⁺ kih¹ he⁻ ga⁻heeh⁻ hnäh⁺ juu¹ kiyh¹, he⁻ ja⁻ jmee⁺ lii⁻ ta⁺ he⁻ jmeen⁺ kih¹ Dsa⁻jøøh¹ jnän⁻.² Cher⁺mah¹ kih¹ jñah⁺, sa⁻ laan¹ apóstol, pero kyah¹ hnäh⁺ ma⁻ra⁺ ju¹dsoo⁺ laan¹. Jëeh⁺, lä⁻llu¹ he⁻ kyaah⁺ hnäh⁺ Dsa⁻jøøh¹ jnän⁻, he⁻ ja⁻ jmee⁺ lii⁻ ma⁻ra⁺ he⁻ laan¹ apóstol.

³ Juu¹ la⁻ jmää¹ lään⁺ hñiin⁻ kih¹ hi⁻ sa⁻ taah⁻ jnä⁺ ta⁺.⁴ ¿Che⁺ sa⁻ na⁻ngë¹ jnääh¹ jwë¹ he⁻ hñah⁺ jnääh¹ he⁻ kih¹hih⁺ jnääh¹?⁵ ¿Che⁺ sa⁻ na⁻ngë¹ jnääh¹ jwë¹ jää⁺ jnääh¹ dsa⁻më⁺ hi⁻ laa¹ øøh⁻ jne⁺ lä⁻koo⁻ jmee⁺ jñah⁺ apóstole, ja⁻ba⁺ lä⁻koo⁻ jmee⁺ øøh⁻ Dsa⁻jøøh¹ jnän⁻ kyaah⁺ Pee⁺ ka⁻läh⁺?⁶ ¿Che⁺ ma⁻la⁺ jnä⁺ ba⁺ kyaah⁺ Bernabé jmee⁺ bii¹ jmee⁻ jnääh¹ ta⁺ mah¹ jnääh⁺ jnääh¹ he⁻ kih¹hih⁺ jnääh¹?⁷ ¿Ha⁻ chaa⁻ hløø⁺ hi⁻ tääh⁺ jmee⁺ ta⁺ kwaat⁻ kih¹ hñii⁺? ¿Ha⁻ chaa⁻ hi⁻ jmee⁺ ta⁺ koo⁻ hwa¹ mah¹ sa⁻ kuyh⁻ he⁻ jngëey⁻? ¿Ha⁻ chaa⁻ hi⁻ hää⁺ koo⁻ nää⁺ jah⁺ mah¹ sa⁻ hiih⁻ juh⁺ kih¹?⁸ ¿Che⁺ laah⁺ hnäh⁺ hlëehn⁻ he⁻ la⁻ lä⁻koh⁺ hlëeh⁺ wa¹ hi⁻ cha⁻ hi⁻? ¿Che⁺ sa⁻ na⁻sih⁻ lä⁻ja⁻ në⁺ ley?⁹ Jëeh⁺, në⁺ ley⁺ kih¹ Moisé na⁻sih⁻: “Ta⁺ kii⁻ hoo⁺ kya⁺ jee⁺ jmeey⁺ ta⁺.” He⁻ ga⁺jäh⁺ Dio lä⁻ja⁻, ja⁺ ma⁻la⁺ kih¹ kya⁺ ja⁻ ma⁺ kyey⁻ huúdsë⁻.¹⁰ He⁻ kyey⁻ huúdsë⁻ jnä⁺ jne⁺ ba⁺ ja⁻, he⁻ ja⁻ ba⁺ ja⁻ na⁻sih⁻ lä⁻ja⁻. Jëeh⁺, hi⁻ mi⁻llu¹ hwa¹, lä⁻kye⁻ hi⁻ mi⁻llu¹ mi⁻ju⁻, ma⁻ra⁺ he⁻ cha⁻ o⁻jøh⁺ dsë⁻ kiyh¹ liyh⁺ kih¹ ta⁺ he⁻ jmeey⁺ ja⁻.¹¹ Mi⁻ju⁻ he⁻ la⁻ kih¹ Dio ga⁺jñee⁺ jnääh¹ neh⁺ tuh⁻hoh⁺ hnäh⁺, he⁻ ja⁻ ¿che⁺ jmee⁺ hii⁻ cher⁺mah¹ ga⁺ngii⁺ jnääh¹ miih⁻ he⁻ cha⁻ kyah¹ hnäh⁺?¹² Cher⁺mah¹ jñah⁺ ba⁺ cha⁻ jwë¹ kih¹ hyoyh⁺ he⁻ cha⁻ kyah¹ hnäh⁺, cha⁻ga⁺miih⁻ na⁻ngë¹ jnääh¹ jwë¹ hñah⁺ jnääh¹ he⁻ ja⁻.

Hi⁺ ma⁻ke⁺ cha⁻ jwë¹ jmee⁺ jnääh¹ lä⁻ja⁻, sa⁻ ga⁺chuu⁺ jnääh¹ ni⁺ miih⁻ kyaah⁺ hnäh⁺. Ga⁻kwëeh¹ ba⁺ dsë⁻ jnääh¹ mah¹ sa⁻ jmee¹ dsa⁻ jyoh⁺ huúdsë⁻ jee⁺ kwa⁻ jnääh¹ ju¹hmëë⁺ kih¹ Cristo.¹³ ¿Che⁺ sa⁻ ñeh⁺ hnäh⁺, lä⁻jëë⁺ hi⁻ jmee⁺ ta⁺ he¹ neh⁺ gwah⁺, kyaah⁺ ja⁻ba⁺ he⁻ dsa⁻ka⁺ dsa⁻ neh⁺ gwah⁺ ja⁻ jnä⁺ he⁻ kuyh⁻? Hi⁺ lä⁻ja⁻, hi⁻ jmee⁺ ta⁺ në⁺ na⁻hyoo⁺, kuyh⁻ kih¹ he⁻ dsa⁻ka⁺ dsa⁻ në⁺ na⁻hyoo⁺ ja⁻.¹⁴ Lä⁻ja⁻ ka⁻läh⁺, ga⁺jmee⁺ Dsa⁻jøøh¹ jnän⁻ mada⁻, hi⁻ na⁻hñaa⁺ kwa⁺ ju¹hmëë⁺, ta⁺ kih¹ ju¹hmëë⁺ ja⁻ba⁺ wa⁺ kuyh⁻.

¹⁵ Pero jnä⁺, ni⁺ koo⁻ hä⁺ sa⁻ ma⁻ngiin⁻ he⁻ ja⁻ kyah¹ hnäh⁺, ni⁺ sa⁻ siin⁻ lä⁻la⁻ mah¹ kwëeh¹ jnä⁺ miih⁻ he⁻ cha⁻ kyah¹ hnäh⁺. Llu¹ ga⁺ he⁻ juun⁺ kyohn⁺ lä⁻koh⁺ ga⁺ he⁻ jñuu⁺ dsa⁻ kin⁺ he⁻ chaan⁻ llu¹ he⁻ sa⁻ koon⁻ jñeen¹ he⁻ kwan⁺ juu¹.¹⁶ Pero sa⁻ cha⁻ he⁻ kih¹ he⁻ jmään⁻ hñiin⁻ jøøh¹ he⁻ kwan⁺ ju¹hmëë⁺ kih¹ Cristo. Jëeh⁺, ma⁻na⁻hä⁺ goon⁺, he⁻ ja⁻ jmee⁺ bii¹ kin⁺ kwan⁻ juu¹ na⁻. Jwii⁻ jnä⁺ cher⁺mah¹ sa⁻ ga⁺mi⁻ten⁻ he⁻ kwan⁻ ju¹hmëë⁺ kiyh¹.¹⁷ Cher⁺mah¹ hyoh⁻ dsën⁺ kwan⁻ juu¹ kih¹ Dio, hyoh⁺ ba⁺ jnä⁺ jñeen¹. Hi⁺ ma⁻ke⁺ sa⁻ hyoh⁻ dsën⁺ jmeen⁻ ta⁺ la⁻, ma⁻ra⁺ he⁻ mi⁻ten⁻ ba⁺ ta⁺ he⁻ hä⁺ goon⁺.¹⁸ ¿Hee⁻ ba⁺ jñeen¹ ja⁻? He⁻ chaan⁻ llu¹ he⁻ sa⁻ koon⁻

jñeen' he- kwan+ ju'hmëë' kih' Cristo. He- ja- ba' ja- jñeen'. Kih' he-ja-, sa+ ngiin' ni+ miih- he- cha- kyah' hnäh' lä'koo- na-ngen' jwë' jmeen'.

¹⁹ Ni+ jaa- sa+ chaa- hi- jmee+ hih+ kin+, he- jmeen+ lä'ja-. Pero ma+ra- he- jmee+ ba' jnä' ta'he' kih' lä'jëë+ mah' lä'ja- leeh+ ga' jnä' jwëë' dsa- kih' Cristo. ²⁰ He-ja- jee' kih' judiu, jmään+ hñiin+ lä'koo- jaa- judiu, mah' leehn+ dsa- judiu. Hi+ jee' kih' hi- mi-te' ley (ma+ke+ sa+ jmee+ ley hih+ kin+) jmeen+ lä'koo- hi- mi-te' ley ba', mah' lä'ja- leehn+ dsa- hi- mi-te' ley ja-. ²¹ Hi+ kih' hi- sa+ kyuuh~ ley, lä'koo- he- sa+ kyuuh~ ley ba' jmeen+, mah' lä'ja- leehn+ dsa- hi- sa+ kyuuh~ ley. (Pero ja+ kih' he- sa+ kyaahn' ley kih' Dio, mi-te' ba' jnä' ley kih' Cristo.) ²² Hi+ jee' kih' hi- sa+ beë' huudsë- kih', ga+jmään+ hñiin+ lä'koo- he- sa+ beë' huudsë- kin+. Hi+ jee' kih' jee' lä'jëë+, kwee- ba' ga+jmeen' kyaayh', mah' lä'ja- jnøhn+ ha- lä' jee' lään' kolla- dsa-. ²³ Kwaat~ kih' ju'hmëë' ba' jmeen+ he- la-, mah' kō-jøh' ba' lä'cha- he- llu' kin+ kyaah' hi- nuu- ju'hmëë' he- kwan+ la-.

²⁴ Ñeh' ba' hnäh', jee' hlii+ jwëë' dsa-, jaa- ba' hi- lih'. Hi- he' lle' kih' hyoh+ jñee'. Lä'ja- hnø' kwah' hnäh' be' jee' hnaah+ hnäh' Dio mah' lä'ja- hñah+ hnäh' koo- he- la' kwa' Dio. ²⁵ Lä'jëë+ hi- hnø' lih+ jee' kooy+, mi-lluuy' hñiiy' kih' lä'jë+ he- jmee+ jwiih' kiyh' mah' liyh+ koo- coron he- dsa-heë'. Pero jne' mi-lluun' jne' hñaan' mah' leh+ jne' koo- coron he- sa+ heë' jih'koh'. ²⁶ Lä'ja- jnä' ka-läh', ngoo' ba' jnä' kwan+ be' ha- jee' lihn+ koo- coron. He-ja- sa+ jmeen+ wa' la' cha- la', lä'koo- jaa- hi- te' jah- jwë' në' lle'. ²⁷ Heehn+ hñiin+ wii' ba', ni+ miih- sa+ kwan+ jwë' kih' jmi-ngo' jmee' hih+ kin+. Lä'na- ba' jmeen+, mah' sa+ jän' ta' koo' ma-la+ ma-kwan' ju'hmëë' kih' jñah'.

Sa+ wa' jmeen' kō-jøh' kyaah' hi- jmää~ jøøh' dio hi- na-laa' kaah~ dsa-

10 ¹ Hnoon' wa' lä-dsooh~ hoh' hnäh' øøhn', lä'koo- ga-la' kih' dsa- ma-gyuh- jnän'. Ga-lä'jëë+ ba' ga+nää' lä' ngoo' jnii'. Hi+ ga-ngëëy' jee' jmi-ñeeh'. ² Lä'llu' he- ga-ngëë' dsa- he' kō-jøh' kyaah' Moisé jee' ma' hii' jnii' hi+ ta' jee' jmi-ñeeh', he-ja- la' lä'koh' he- ga-taayh' kō-jøh' ga-saa- dsa- he' jmi- kyaah' Moisé mah' leey' koo- kyaayh'. ³ Ga-lä'jëë+ ba' ga'kuh- he'ñiih' he- ga'chee' Dio. ⁴ Ga-lä'jëë+ ba' ga'hiih' jmi- he- ga'chee' Dio. Sa+ ma' la' wa' he- cha- he- jmi-gwa- he- ga+jmee' Dio ga-hya- dsöh' mi'kuu'. Hi+ mi'kuu' ja-, sa+ ma' la' wa' he- cha- he- mi'kuu', ma' laa' hñii' Cristo hi- ma' jmee+ kō-jøh' kyaayh'. ⁵ Pero miih- go-te' ba' dsa- he' ga+jmee' he- tih~ dsë' Dio. He-ja- jwëë' ga' ga'juu' hwa' kii+ ja-.

⁶ He- ga-la' lä'ja- kih' dsa- he', he- ja- kwëeh~ jne' nuuh+ mah' sa+ wa' heë' dsë- jne' jmeen' he- hliih' lä'koh' ga+jmee' dsa- he'. ⁷ Ni+ ta' wa' jmään' jøøh' dio hi- na-laa' kaah~ dsa-, lä'koh' ga+jmee' dsa- he'. Lä'koo- jäh' jee' na-sii' juu' kih' Dio: "Ga-taah' lä'jëë+ dsa- ga'kuh- ga'hiih', ja-ga' ga-taayh' ga+jmeey' wa' la' cha- la'." ⁸ Ni+ ta' wa' kaah'

jne' wa' hi' cha' hi', lä'koo' ga'jmee' dsa' he'. Jëeh' kyaah' koo' jmi' ba' ga'juu' gyii' hnë' mil dsa' he'. ⁹ Ni' sa' wa' koo' jne' kyaah' he' jøh' dsë' Dsa'jøøh' jnän', lä'koo' ga'jmee' ko'llaa' dsa' he' mah' ga'jngiih' miih' kiyh'. ¹⁰ Sa' wa' cha' wa' hää' jne' Dio, lä'koo' ga'cha' ga'hää' dsa' he', mah' ga'jngiih' ángel kiyh'.

¹¹ He' ga'la' lä'ja' kih' dsa' he', he' ja' kwëeh' jne' nuuh', hi' ma'na'sii' jnän' mah' lä'leeh' jne' hi' chaa' na' jee' ga'dsaa' jmi' he' tøøhn' la'. ¹² Lä'ja', kih' hi' jmeë' huü'dsë' sa' cha' he' kih' jeh' dsëy', hnøø' liiyh' mah' sa' täyh'. ¹³ Wa' he' cha' he' he' wii' he' jëë' jne', ja'ba' lä'ja' ma'jëë' jñah'. Pero Dio llu' dsëy'. Sa' kway' jwë' ngëë' jne' koo' he' hweh' ga' he' mo'so' tää' jne'. Wa'ra' ga'të' jee' jëë' jne' he' wii' ja', kwa' ba' Dio be' ha' lä' jee' lää' jne' hi' lä'ja' kwëeh' dsë' jne'.

¹⁴ He' ja' jwëëhn' hnäh' øøhn' hi' hnaan'. Hää' hnäh' hñaah' cha'mi' Mo'to' jmeë' hnäh' juuh' kih' dio hi' na'laa' kaah' dsa'.

¹⁵ Hlëëhn' hnäh' lä'koo' dsa' hi' kyuuh'. Kye' da' hnäh' kwaat' ha' lä' ngoo' juu' he' hlëëhn' hnäh'. ¹⁶ Lä' ma' hi' jne' kyaah' wa'kyaah' he' na'jøø', kwa' jne' ti'hmaah' kih' Dio, la' kwaat' hi' jne' jma' kih' Cristo ba' ja', hi' lä'ja' ma'laa' jne' koo' ba' kyaayh'. Hi' lä' ma' kih' jne' he'ñi' he' ti'llooh' jne', he' jmeë' jne' kwaat' jmi'ngo' kih' Cristo ba' ja', hi' lä'ja' ma'laa' jne' koo' ba' kyaayh' ka'läh'. ¹⁷ Ma'ke' jwëë' jne', koo' ba' laa' jne' jee' lä'jëë' jne'. Jëeh', koo' ba' la' he'ñi' he' kih' jne'.

¹⁸ Jëë' da' hnäh' ha' lä' ga'la' kih' dsa' Israel hi' ga'kuh' jah' hi' ma' dsa'jää' dsa' në' na'hyoo', ga'laay' koo' ba' kyaah' Dio juu' na'hyoo' ja'.

¹⁹ He' jwahn' lä'na', ja' he' jwahn' kyeë' jwërte dio hi' na'laa' kaah' dsa', ni' ngo' he' lla' dsa' cha'në' dio he', sa' cha' he' la' ni' mi'.

²⁰ Lä'la' ba' jwëëhn' hnäh', lä'koo' jmeë' hi' sa' ma'heeh' kih' Dio, wa'ra' ga'llay' mi' he' cha' kiyh' cha'në' dio hi' na'laa' he', he' kwëëyh' hi' sa'llu' ba' ja', ja' he' kwëëyh' Dio jnän' ja'. Sa' hnoon' jmeeh' hnäh' ko'jøh' kyaah' hi' sa'llu'. ²¹ Cher'mah' ga'hih' hnäh' he' kwa' Dio, mo'so' le' huh' hnäh' he' kwa' hi' sa'llu'. Cher'mah' ga'taah' hnäh' ga'ku' ga'hih' hnäh' he' lla' Dio në' na'mes', mo'so' le' kuh'huh' hnäh' në' mes' kih' hi' sa'llu' ka'läh'. ²² ¿Che' ja' he' hnøøh' jne' ha' lä' jee' lä'llih' Dio he' jmeë' jne' lä'ja'? ¿Che' cha' ga' be' jnän', lä'koh' ga' kiyh'?

Wa' hnøøhn' he' llu' kih' øøh' jne'

²³ Ga'lä'jë' ba' na'ngën' jwë' jmeen', pero ja' lä'jë' jmää' ta'. Ga'lä'jë' ba' na'ngën' jwë' jmeen', pero ja' lä'jë' kwa' be' jnän' jee' hnääh' Dio.

²⁴ Sa' wa' hnøøhn' he' llu' jnän' hñaan', wa' hnøøhn' he' llu' kih' jñah' ba'. ²⁵ Kuh' ba' hnäh' ga'lä'jë' ngo' he' hni' dsa' jee' jngëëyh' jah'. Ta' ngii' hnäh' ni' mi' juu' mah' sa' jmeeh' hnäh' cha'mi' huü'dsë'.

²⁶ Jëeh', kih' ba' Dio la' jmi'gyuu' la', hi' lä'ja' lä'jë' he' ga'cha' në' kih', kih' bih' la' lä'jë'. ²⁷ Cher'mah' jaa' hi' sa' ma'heeh' kih' Dio

ga⁺tëeyh⁺ hnäh⁺ mah⁺ go⁺kuh⁺ hnäh⁺ kiyh⁺, hi⁺ gwa⁺ hoh⁺ hnäh⁺ go⁺nääh⁺ hnäh⁺, ja⁻ go⁻kuh⁻ ba⁺ hnäh⁺ ga⁻lä⁺jë⁻ he⁻ llay⁻. Ta⁺ ngii⁺ hnäh⁺ ni⁺ miih⁻ juu⁺ mah⁺ sa⁺ jmeeh⁺ hnäh⁺ cha⁻miih⁻ huu⁺dsë⁻.²⁸ Pero cher⁺mah⁺ chaa⁻ hi⁻ ga⁺jäh⁺: “Ngo⁺ he⁻ ma⁻lla⁺ dsa⁻ në⁺ na⁻hyoo⁺ ba⁺ na⁻”, ta⁺ kuh⁻ hnäh⁺ ga⁻ ja⁻, mah⁺ la⁺ llu⁺ kih⁺ hi⁻ ma⁻mi⁻jnää⁻ juu⁺ ja⁻. Lä⁺ja⁻ sa⁺ jmeey⁺ jyoh⁺ huu⁺dsë⁻ he⁻ jmee⁺ jwiih⁻ kiyh⁺. Jëeh⁺, kih⁺ ba⁺ Dio la⁺ jmi⁻gyuu⁺ la⁻ hi⁻ lä⁺ja⁻ lä⁺jë⁻ he⁻ ga⁺ cha⁻ në⁺ kih⁺, kih⁺ bih⁺ la⁺ lä⁺jë⁻.²⁹ Ja⁻ he⁻ hlëehn⁺ kih⁺ huu⁺dsë⁻ kyah⁺ hnäh⁺. He⁻ hlëehn⁺ kih⁺ huu⁺dsë⁻ kih⁺ jñah⁺ ba⁺ na⁻, mah⁺ sa⁺ jmeey⁺ jyoh⁺ huu⁺dsë⁻ he⁻ jmee⁺ jwiih⁻ kiyh⁺. ¿He⁻la⁺ ha⁺ dsa⁻ kin⁺ he⁻ na⁻ngën⁺ jwë⁺ jmeen⁻ cher⁺mah⁺ ko⁻ja⁻ la⁺ huu⁺dsë⁻ kiyh⁺?³⁰ Cher⁺mah⁺ kwan⁺ ti⁻hmaah⁺ kih⁺ Dio kih⁺ he⁻ kuhn⁺, ¿he⁻la⁺ hlëeh⁺ dsa⁻ wii⁺ kin⁺ kih⁺ he⁻ kuhn⁺ he⁻ ja⁻?³¹ Hi⁺ kwee⁻ ba⁺ la⁺ kih⁺ lä⁺jë⁻, cher⁺mah⁺ kuh⁻huh⁺ hnäh⁺, o he⁻ ga⁺ jmeeh⁻ hnäh⁺, jmee⁺ hnäh⁺ lä⁺jë⁻ lä⁺ko^o lle⁻ kih⁺ ba⁺ mah⁺ lä⁺ja⁻ wa⁺ la⁺ juuh⁻ kih⁺ Dio jnän⁻.³² Ta⁺ jmee⁻ hnäh⁺ jeh⁺ dsë⁺ dsa⁻ judiu, ni⁺ hi⁻ sa⁺ laa⁺ judiu, ni⁺ hi⁻ laa⁺ kyaa⁺ Dio ka⁻läh⁺.³³ Jmee⁺ hnäh⁺ lä⁺ko^h jmee⁺ jnä⁺ ba⁺. Jëeh⁺ jmeen⁺ bii⁺ hnoohn⁺ ha⁻ lä⁺ jee⁺ tih⁺ dsë⁺ dsa⁻ kyaah⁺ lä⁺jë⁻ he⁻ jmeen⁺. Sa⁺ hnoohn⁺ he⁻ llu⁺ ki⁺ hñiin⁺, hnoohn⁺ he⁻ llu⁺ kih⁺ ga⁻lä⁺jëë⁻ ba⁺ mah⁺ lääy⁺.

Juu⁺ kih⁺ dsa⁻ hi⁻ jlë[~] ka⁺lle⁺

11 ¹ Jmee⁺ hnäh⁺ lä⁺ko^o jmee⁺ jnä⁺, jëeh⁺ jnä⁺ jmeen⁺ lä⁺ko^o ga⁺jmeë⁺ Cristo.

² Chaa⁻ llu⁺ cha⁻miih⁻ lä⁺ko^o tääh⁺ hnäh⁺ øøhn⁺, jëeh⁺, ga⁻lä⁺jë⁻ jiih⁻ ba⁺ dsa⁻lä⁺dsooh⁻ hoh⁺ jnä⁺, hi⁺ chooh⁺ ba⁺ hnäh⁺ ko^o hweh⁻ juu⁺ he⁻ ma⁻hlëehn⁻ hnäh⁺.³ Hnoon⁺ lä⁺ngëeh⁺ hnäh⁺, Cristo laa⁺ to⁻në⁺ kih⁺ lä⁺jëë⁻ dsa⁻nñuuh⁻, hi⁺ lä⁺ja⁻ laa⁺ dsa⁻nñuuh⁻ kih⁺ dsa⁻më⁺, lä⁺ja⁻ laa⁺ Dio kih⁺ Cristo ka⁻läh⁺.⁴ La⁺ o⁻hih⁺ kih⁺ dsa⁻nñuuh⁻ cher⁺mah⁺ jlëy[~] ka⁺lley⁺ wa⁺ra⁻ ga⁺të⁺ jee⁺ ngiiy⁺ kiyh⁺ kih⁺ Dio o⁻ wa⁺ra⁻ ga⁺ngëëy⁺ juu⁺ kih⁺ Dio cha⁺në⁺ dsa⁻.⁵ Lä⁺ja⁻ ka⁻läh⁺ la⁺ o⁻hih⁺ kih⁺ dsa⁻më⁺ cher⁺mah⁺ sa⁺ na⁻jlë⁻ ka⁺lley⁺ wa⁺ra⁻ ga⁺të⁺ jee⁺ ngiiy⁺ kiyh⁺ kih⁺ Dio o⁻ wa⁺ra⁻ ga⁺ngëëy⁺ juu⁺ kih⁺ Dio cha⁺në⁺ dsa⁻. Heh⁺ lä⁺ja⁻, la⁺ lä⁺ko^o he⁻ na⁻tii⁺ kwah⁻ lley⁺.⁶ Cher⁺mah⁺ jaa⁻ dsa⁻më⁺ sa⁺ jlë[~] lle⁺, llu⁺ ga⁺ wa⁺ tiiy⁺ lley⁺ go⁻te⁻. Pero cher⁺mah⁺ laay⁺ la⁺ o⁻hih⁺ kih⁺ he⁻ tiiy⁺ lley⁺ o he⁻ jmeey⁺ kwah⁻, he⁻ja⁻ wa⁺ jlëy⁺ ba⁺.⁷ Sa⁺ sooh⁻ kih⁺ dsa⁻nñuuh⁻ jlëy[~] lley⁺, jëeh⁺ laay⁺ heeh⁺ kih⁺ Dio, mah⁺ mi⁻jnääy⁺ ha⁻ lä⁺ko^o jøøh⁺ laa⁺ Dio. Pero dsa⁻më⁺ mi⁻jnää⁺ ha⁻ lä⁺ko^o jøøh⁺ laa⁺ dsa⁻nñuuh⁻.⁸ Dsa⁻nñuuh⁻ sa⁺ ya⁻hëë⁺ kih⁺ dsa⁻më⁺, dsa⁻më⁺ ba⁺ ya⁻hëë⁺ kih⁺ dsa⁻nñuuh⁻.⁹ Lä⁺ja⁻ ka⁻läh⁺, sa⁺ ga⁺jmää⁺ Dio dsa⁻nñuuh⁻ mah⁺ le⁺ llu⁺ kih⁺ dsa⁻më⁺, ga⁺jmääy⁺ dsa⁻më⁺ mah⁺ le⁺ llu⁺ kih⁺ dsa⁻nñuuh⁻ ba⁺.¹⁰ Kih⁺ he⁻ja⁻, hi⁺ kwaan⁺ kih⁺ ángele ka⁻läh⁺, jmee⁺ bii⁺ jlë⁺ dsa⁻më⁺ lle⁺ mah⁺ jmee⁺ lii[~] chaa⁻ hi⁻ kye⁻ në⁺ kiyh⁺.

¹¹ Pero he⁻ tøøh⁺ jne⁺ kyaah⁺ Dsa⁻jøøh⁺ jnän⁻, ja⁺ ma⁻la⁺ dsa⁻nñuuh⁻ laa⁺ kwaan⁺, ja⁻ba⁺ lä⁺ja⁻ laa⁺ kwaan⁺ dsa⁻më⁺ ka⁻läh⁺.¹² Jëeh⁺, lä⁺ko^h ya⁻hëë⁺ dsa⁻më⁺ kih⁺ dsa⁻nñuuh⁻, ja⁻ba⁺ lä⁺ja⁻ kih⁺ dsa⁻më⁺ dsa⁻lä⁺chaa⁻ dsa⁻nñuuh⁻.

Lä⁺uu⁺ ba⁺ hwëë⁻ kih⁺ Dio. ¹³ Kye⁻ da⁺ hnäh⁺ kwaat[~] hñaah⁺ hnäh⁺, ìche⁺ sa⁺ laah⁺ hnäh⁺ sa⁺ jnä⁺ llu⁺ wa⁺ra⁻ ga⁻ngi⁺ jaa⁻ dsa⁻më⁺ kih⁺, kih⁺ Dio ma⁺ sa⁺ na⁻jlë⁻ lley⁺? ¹⁴ Lä⁻ko^o- jmee⁻ jne⁺ he⁻ tøøhn⁺ jmi⁻gyuu⁺ la⁻ lä⁻ko^o- la⁺ kih⁺ dsa⁻nñuuh⁻, mi⁻jnä⁺ he⁻ la⁺ o⁻hih⁺ kiyh⁺ he⁻ kway⁺ jwë⁺ kwa⁺ jñu⁻ lley⁺. ¹⁵ Pero kih⁺ dsa⁻më⁺, kah⁺ ba⁺ la⁺. Jnä⁺ llu⁺ kiyh⁺ he⁻ kway⁺ jwë⁺ dsa⁻kwa⁺ jñu⁻ lley⁺. Jëeh⁺, dsa⁻më⁺, ga⁻hyoyh⁺ jñu⁻ lley⁺ kyoo⁻ mah⁺ jlë⁺ lley⁺ lla⁺ he⁻ ma⁺ jlëy⁺ kyaah⁺ hmiih⁻. ¹⁶ Cher⁺ mah⁺ chaa⁻ hi⁻ hnøø⁺ tí⁺ choo⁺ juu⁺ kih⁺ juu⁺ he⁻ hlëehn⁺ la⁻, hnøø⁺ lä⁻nëy⁻ ha⁻ lä⁺ la⁺ kyaa⁺ jnääh⁺. Jëeh⁺ ko^o- nëe⁺ ba⁺ he⁻ tëë⁺ jnääh⁺ jmee⁻ jnääh⁺ hi⁺ lä⁻ja⁻ lä⁻kaa⁻ gwah⁺ kih⁺ Dio.

Mi⁻kwayh⁺ ma⁻nñu⁺ kih⁺ Dsa⁻jøøh⁺ jnän⁺

¹⁷ Pero ta⁺ jyoh⁺ ko⁻taa⁻, sa⁺ chaan⁻ llu⁺ lä⁻ko^o- jmeeh⁻ hnäh⁺. Jëeh⁺, jee⁺ dsa⁻nëeh⁺ hnäh⁺, cha⁻ga⁻miih⁻ he⁻ hliih⁺ jmeeh⁻ hnäh⁺ lla⁻ he⁻ ma⁺ jmeeh⁺ hnäh⁺ he⁻ llu⁺. ¹⁸ To⁻në⁺ he⁻ ja⁻, ma⁻nuun⁺ kyah⁺ hnäh⁺ he⁻ sa⁺ hii⁺ ko^o- ba⁺ juu⁺ kyah⁺ hnäh⁺ jee⁺ dsa⁻nëeh⁺ hnäh⁺. Hi⁺ jee⁺ llah⁺ laan⁺ dsoo⁺ ba⁺. ¹⁹ Jëeh⁺, go⁻ laan⁺ jmää⁺ kyah⁺ hnäh⁺ he⁻ tääh⁺ hnäh⁺ lä⁻ja⁻ mah⁺ lä⁻lee⁻ hii⁻ na⁻ hi⁻ hñaah⁺ Dio hi⁺ lä⁻lee⁻ hii⁻ na⁻ hi⁻ sa⁺ hñaah⁺ Dio. ²⁰ Cher⁺ mah⁺ lä⁻ja⁻ tääh⁺ hnäh⁺, jee⁺ dsa⁻nëeh⁺ hnäh⁺, ja⁺ ma⁻nñu⁺ kih⁺ Dsa⁻jøøh⁺ jnän⁺ ja⁻ kuh⁻ hnäh⁺. ²¹ Jëeh⁺, wa⁺ra⁻ ga⁻të⁺ hor[~] kuh⁺ hnäh⁺, lä⁻jaa⁻ lä⁻jaa⁻ hnäh⁺ dsa⁻lä⁻jää⁺ kuh⁻huh⁺ hnäh⁺ he⁻ go⁻kye⁻ hnäh⁺. Hñaah⁺ ba⁺ hnäh⁺ kuh⁻huh⁺ lä⁻jiih⁺ dsa⁻lä⁻hee⁺ hnäh⁺ mah⁺ ko⁻llaa⁺ jäy⁺ kyaah⁺ kyoo⁺. ²² ìChe⁺ sa⁺ cha⁻ cha⁻neh⁺ kyah⁺ hnäh⁺ jee⁺ go⁻taah⁺ hnäh⁺ kuh⁻huh⁺ hnäh⁺? ìHe⁻ la⁺ mi⁻kwayh⁺ hnäh⁺ hi⁻ laa⁺ kyaa⁺ Dio, mah⁺ lleh⁻ hnäh⁺ o⁻hih⁺ kih⁺ hi⁻ sa⁺ kye⁻ ni⁺ miih⁻ he⁻ kuh⁻hih⁺? ìHee⁻ ba⁺ na⁻ jwëëhn⁻ hnäh⁺? ìChe⁺ jwëëhn⁻ hnäh⁺ jmeeh⁻ ba⁺ hnäh⁺ llu⁺? Ni⁺ miih⁻ sa⁻ jwëëhn⁻ hnäh⁺ lä⁻ja⁻.

²³ Jëeh⁺, kih⁺ Dsa⁻jøøh⁺ jnän⁺ ga⁻hyohn⁺ juu⁺ la⁻, ja⁻ ba⁺ he⁻ ma⁻hlëehn⁺ hnäh⁺ jää⁺. Hwë⁺ he⁻ ga⁻ngëëy⁺ Dsa⁻jøøh⁺ jnän⁺ ja⁻, ga⁻kay⁺ he⁻niih⁺. ²⁴ Mah⁺ ga⁻kway⁺ tí⁺hmaah⁺ kih⁺ Dio. Ma⁻ngëë⁺ he⁻ ja⁻, ga⁻llaay⁺ he⁻niih⁺ ja⁻ mah⁺ ga⁻jäyh⁺: “Hee⁻ la⁻, kuh⁺ hnäh⁺. He⁻ la⁻ na⁻ jmi⁻ngo⁺ kin⁺. Ta⁻la⁺ kyah⁺ hnäh⁺ kwaan⁻ hñiin⁺ juun⁺. Ja⁻ jmeeh⁻ hnäh⁺ lä⁻la⁻ mah⁺ lä⁻dsooh⁻ hoh⁺ hnäh⁺ kin⁺.” ²⁵ Ja⁻ ba⁺ lä⁻ja⁻ ga⁻jmeey⁺ kyaah⁺ wa⁻kyaah⁺, ma⁻ngëë⁺ ma⁻kuyh⁻ ma⁻nñu⁺. Ga⁻jäyh⁺: “Wa⁻kyaah⁺ la⁻ la⁺ hmoo⁺ hmëë⁺ he⁻ jmeen⁻ kyaah⁺ jma⁻ kin⁺. Ja⁻ jmeeh⁻ hnäh⁺ lä⁻la⁻, ga⁻lä⁻jë⁺ jiih[~] ma⁺ huh⁺ hnäh⁺, mah⁺ lä⁻dsooh⁻ hoh⁺ hnäh⁺ kin⁺.” ²⁶ Lä⁻ja⁻, lä⁻jë⁺ jiih[~] ma⁺ kuh⁻ hnäh⁺ he⁻niih⁺ la⁻, hi⁺ ma⁺ huh⁺ hnäh⁺ he⁻ haa⁺ neh⁺ wa⁻kyaah⁺ la⁻, he⁻ jmeeh⁻ hnäh⁺ juu⁺ he⁻ ga⁻juu⁺ Dsa⁻jøøh⁺ jnän⁺ ba⁺ na⁻, lä⁻ ma⁻ngoo⁺ ja⁻ ba⁺ lä⁻jiih⁺ jäyh⁺ ka⁻läh⁺.

²⁷ He⁻ ja⁻, cher⁺ mah⁺ hi⁻ ga⁻kuh⁻ he⁻niih⁺, hi⁺ ga⁻hiyh⁺ he⁻ haa⁺ neh⁺ wa⁻kyaah⁺ kih⁺ Dsa⁻jøøh⁺ jnän⁺, hi⁺ lä⁻ ma⁻ngoo⁺ bih⁺ jmeey⁺ he⁻ hliih⁺, ma⁻na⁻bäayh⁻ dsoo⁺, kih⁺ he⁻ mi⁻kwayh⁺ jmi⁻ngo⁺ kyaah⁺ jma⁻ kih⁺ Dsa⁻jøøh⁺ jnän⁺. ²⁸ Lä⁻jaa⁻ lä⁻jaa⁻ hnäh⁺ hnøø⁺ kah⁺ da⁺ hnäh⁺ kwaat[~] che⁺

sa⁺ hñi[~] hu[~]dsē kyah¹ hnäh^ʔ, jā[~] ja⁻ga⁺ kuh¹ hnäh^ʔ he⁻nñih⁻ hi⁺ huh¹ hnäh^ʔ he⁻ haa⁺ neh⁺ wa⁺kyaah¹. ²⁹ Jēeh^ʔ, cher⁺mah¹ jmee⁺ gyih¹ he⁻ hliih¹ mah¹ kuyh⁻ he⁻nñih⁻ hi⁺ hñy[~] he⁻ haa⁺ neh⁺ wa⁺kyaah¹ ja⁻, he⁻ ngiiy⁺ he⁻ jā⁺ he⁻ hliih¹ nē⁺ kiyh¹ ba⁺ ja⁻. Jēeh^ʔ sa⁺ tooyh⁻ ta⁺ jmi⁻ngo⁺ kih¹ Dsa⁻jōoh¹ jnän¹. ³⁰ Kih¹ he⁻ja⁻, chaa⁻ jwēē^ʔ jee⁺ kyah¹ hnäh^ʔ hi⁻ dsaah¹, jwēē^ʔ hi⁻ mo⁺so⁺ cha⁻ be⁺ kih¹, lä⁻jiih¹ chaa⁻ ko⁻llaa⁺ hi⁻ ga⁺juu¹. ³¹ Pero cher⁺mah¹ ga⁻kye⁺ jne⁺ kwaat[~] he⁻ hñi[~] hu[~]dsē jnän¹, jā[~] ja⁻ga⁺ kih¹hñh¹, mo⁺so⁺ cha⁻ he⁻ kih¹ lla¹ Dio ta⁺ jnän¹. ³² Hi⁺ cher⁺mah¹ ga⁻llay^ʔ ta⁺ jnän¹, Dio ba⁺ he⁺ hi⁻ heeh¹ jne⁺ wi^ʔ, mah¹ sa⁺ dsa⁻nøøn¹ cha⁺je⁻ ko⁻jøh^ʔ kyaah¹ hi⁻ sa⁺ ma⁻heeh⁻ juu¹ kiyh¹. ³³ He⁻ja⁻ øøhn¹, wa⁺ra⁻ ga⁺taah¹ hnäh^ʔ kuh¹, ja⁻ jāäh¹ hnäh^ʔ dsa⁻kyaah¹ hnäh^ʔ. ³⁴ Hi⁺ cher⁺mah¹ chaa⁻ jaa⁻ hi⁻ kyoh⁺, wa⁺ lla⁻kuyh⁻ cha⁺neh⁺ kiyh¹, mah¹ sa⁺ jā⁺ he⁻ wi^ʔ nē⁺ kiyh¹, wa⁺ra⁻ ga⁺jmeey⁺ wa⁺ la¹ cha⁻ la¹ jee⁺ dsa⁻nēeh⁺ hnäh^ʔ. Cher⁺mah¹ cha⁻ ga⁺jyoh⁺ juu¹, he⁻ ja⁻ mi⁻een¹ wa⁺ra⁻ ga⁻lloon¹ na⁺jēēn⁺ hnäh^ʔ.

Lä⁻jē⁺ he⁻ ga⁻hñah¹ jne⁺ kih¹ Jmi⁻lle^ʔ kih¹ Dio

12 ¹ Hnoon¹ lä⁻ngēeh^ʔ hnäh^ʔ miih⁻ øøhn¹, ha⁻ lä⁺ la¹ he⁻ ma⁻hñah[~] jne⁺ kih¹ Jmi⁻lle^ʔ kih¹ Dio. ² Nēh⁺ ba⁺ hnäh^ʔ ha⁻ lä⁺ ma⁺ jmeeh⁻ hnäh^ʔ, jā[~] sa⁺ ga⁺ ma⁻heeh⁻ hnäh^ʔ kih¹ Dio. Ma⁺ ga⁺nää⁺ hnäh^ʔ ta⁺ la⁺ ta⁺ jnø⁺, ga⁻kah[~] hnäh^ʔ jwē¹ jee⁺ ma⁺ hnaah⁺ hnäh^ʔ dio kaa[~] hi⁻ na⁻lāa⁺ kaah[~] dsa⁻. ³ He⁻ja⁻ hnoon¹ lä⁻ngēeh^ʔ hnäh^ʔ ni⁺ jaa⁻ hi⁻ hlēeh¹ lä⁺ gwa⁺ kih¹ Jmi⁻lle^ʔ kih¹ Dio sa⁺ jwäy¹ dso⁺jwi^ʔ nē⁺ kih¹ Jesús. Lä⁻ja⁻ ka⁻läh^ʔ sa⁺ jäh[~] jøøh¹ Jesús, cher⁺mah¹ sa⁺ kyaayh¹ Jmi⁻lle^ʔ Na⁻jngii¹.

⁴ Kah^ʔ ba⁺ la¹ he⁻ ma⁻hñah[~] jne⁺ lä⁻jaa⁻ lä⁻jaa⁻ jne⁺ kih¹ Dio, pero jaa⁻ ba⁺ Jmi⁻lle^ʔ Na⁻jngii¹ hi⁻ kwa⁺ lä⁻jē⁺ he⁻ ja⁻. ⁵ Kah^ʔ ba⁺ la¹ ta⁺ he⁻ jmee⁻ jne⁺ lä⁻jaa⁻ lä⁻jaa⁻ jne⁺ jee⁺ hnäh⁺ jne⁺ Dio, pero jaa⁻ ba⁺ hi⁻ lāa⁺ Dsa⁻jøøh¹ jnän¹. ⁶ Kah^ʔ ba⁺ la¹ be⁺ he⁻ ma⁻tēē^ʔ jne⁺ lä⁻jaa⁻ lä⁻jaa⁻ jne⁺, pero jaa⁻ ba⁺ Dio hi⁻ jmee⁺ lä⁻jē⁺ kih¹ ga⁻lä⁻jēē⁺ jne⁺.

⁷ Lä⁻jaa⁻ lä⁻jaa⁻ jne⁺ ma⁻hñah[~] jne⁺ he⁻ ga⁺kwa⁺ Jmi⁻lle^ʔ Na⁻jngii¹ mah¹ lä⁻ja⁻ jā⁺ llu¹ kih¹ lä⁻jēē⁺. ⁸ Jaa⁻ ga⁺hyoh¹ miih⁻ hu[~]dsē llu¹ he⁻ ga⁺kwa⁺ Jmi⁻lle^ʔ. Jñah^ʔ ga⁺hyoh¹ he⁻ jmee⁺ kyuyh[~] cha⁻ga⁺miih⁻, he⁻ ga⁺kwa⁺ ja⁻ba⁺ Jmi⁻lle^ʔ Na⁻jngii¹. ⁹ Jñah^ʔ ka⁻läh^ʔ ga⁺hyoh¹ kih¹ ja⁻ba⁺ Jmi⁻lle^ʔ ha⁻ lä⁺ jee⁺ lä⁻dsoo⁺ dsēy¹ cha⁻ga⁺miih⁻. Hi⁻ jñah^ʔ ga⁺hyoh¹ ha⁻ lä⁺ jee⁺ mi⁻hläy^ʔ hi⁻ dsaah¹ kyaah¹ be⁺ kih¹ ja⁻ba⁺ Jmi⁻lle^ʔ Na⁻jngii¹. ¹⁰ Jñah^ʔ ga⁺hyoh¹ ha⁻ lä⁺ jmeey¹ he⁻ juh⁻gaa⁻. Jñah^ʔ ga⁺hyoh¹ juu¹ he⁻ ngēy¹ kih¹ dsa⁻. Jñah^ʔ ga⁺hyoh¹ mah¹ kay¹ kwaat[~] che⁺ la¹ kih¹ Jmi⁻lle^ʔ Na⁻jngii¹ he⁻ hlēeh⁺ dsa⁻ o che⁺ la¹ kih¹ jmi⁻lle^ʔ hliih¹. Jñah^ʔ ga⁺hyoh¹ hlēy¹ jyoh⁺ juu¹. Jñah^ʔ ka⁻läh^ʔ, ga⁺hyoh¹ be⁺ mah¹ jiiy¹ juu¹ he⁻ hlēeh¹ dsa⁻kyaayh¹. ¹¹ Pero jaa⁻ ba⁺ Jmi⁻lle^ʔ hi⁻ jmee⁺ lä⁻jē⁺ he⁻ ja⁻. Hi⁺ lä⁻koø⁻ hyoh⁻ dsēy¹ ba⁺ ti⁻llooyh[~] kih¹ lä⁻jaa⁻ lä⁻jaa⁻.

Jee' lä'jää' hi' laa' kyaa' Dio laay' lä'koo' jaa' ba'

¹² Koo' ba' la' jmi'ngo' jnän', hi' cha' cha'mi'ih' nää' he' na'ku' na'chah'. Ma'ke' cha'mi'ih' nää' he' na'ku' na'chah', ma'ra' he' la' ba' koo' jmi'ngo' jee' lä'jää'. Ja'ba' lä'ja' Cristo ka'läh' kyaah' jne'. ¹³ Jääh', kyaah' jaa' ba' Jmi'lle' ga'lää' jne' koo' ba' kyaayh', lä'llu' he' ma'na'saa' jne' jmi' kyaah' Jmi'lle' Na'jngii' kih' Dio. Lä'ja' kih' hi' laa' judiu o hi' sa' laa' judiu, hi' lä'ja' ka'läh' kih' hi' na'hneé' jmee' ta' kih' dsa' o cher'mah' sa' na'hneéy'. Ga'lää'jää' ba' jne' ma'heeh' jne' kih' jaa' ba' Jmi'lle'.

¹⁴ Heh' jmi'ngo' jnän', sa' la' koo' ba' jee' lä'jää', cha'mi'ih' jee' na'ku' na'chah'. ¹⁵ Cher'mah' ma'tiin' ga'jah': "Sa' laan' ma'gooh', he'ja' sa' na'jnää' kih' jmi'ngo' kyah'", pero ma'ke' ma'jah' lä'ja', ma'ra' he' na'jnää' ba' kih' jmi'ngo' jnän'. ¹⁶ Hi' cher'mah' lo'gwan' ga'jah': "Sa' laan' mi'néh', he'ja' sa' na'jnää' kih' jmi'ngo' kyah'", pero ma'ke' ma'jah' lä'ja', ma'ra' he' na'jnää' ba' kih' jmi'ngo' jnän'. ¹⁷ Cher'mah' lä'kaa' jmi'ngo' jnän', la' koo' mi' mi'né' juuh', ¿he'e' kyaah' ja' nuu' jne'? Hi' cher'mah' lä'kaa' jmi'ngo' jnän', la' koo' to'gwa' juuh', ¿he'e' kyaah' ja' he' taah' jne' jme'h'? ¹⁸ Pero Dio ga'jmeé' na'ku' na'chah' jmi'ngo' jnän', lä'koo' lla' dséy'. ¹⁹ Cher'mah' koo' nää' ba' la' lä'kaa' jmi'ngo' jnän', mo'so' la' lä'koo' jmi'ngo' he' kye' jne'. ²⁰ Pero ja' lä'ja' la' jmi'ngo' jnän'. Na'ku' na'chah' cha'mi'ih' nää', hi' jee' lä'jää' koo' ba' la'. ²¹ Sa' le' jah' mi'nén' siih' ma'goon': "Sa' jmeé' bii' hne' kin'." Ni' sa' le' jah' ka'llen' siih' ma'tiin': "Sa' jmeé' bii' hne' kin'." ²² Pero sa' la' lä'ja'. He' cha' kih' jmi'ngo' jnän', he' jmeé' jne' kwaat' sa' beé' ni' mi'ih', he' ja' jmaa' jnän' cha'ga'mi'ih'. ²³ Hi' he' cha' kih' jmi'ngo' jnän' he' jmeé' jne' kwaat' sa' jnä' llu', he' ja' høø' jne' cha'ga'mi'ih'. Hi' he' sa' sooh' jää' dsa', jlé' jne' llu'. ²⁴ Pero he' jnä' llu' né' jnän', sa' jmeé' bii' jlé' jne'. Ga'jmeé' Dio jmi'ngo' jnän' mah' høøn' cha'ga'mi'ih' lä'jää' he' sa' beé'. ²⁵ Heh' lä'ja', jmi'ngo' jnän' sa' jmeé' ma' kih'kih'. Lä'jää' nää' ba' hnääy' dsa'kyaayh'. ²⁶ Cher'mah' jii' kih' koo' nää', lä'ja' ga'lää'jää' ba' jii' kih'. Hi' cher'mah' ga'la' llu' kih' koo' nää', lä'ja' la' llu' kih' ga'lää'jää' ba'.

²⁷ Lä'ja' jne' ka'läh', laa' jne' lä'koo' jmi'ngo' kih' Cristo. Lä'jaa' lä'jaa' jne' na'ku' na'chah' jne' kyaayh'. ²⁸ Jee' kih' hi' laa' gwah', Dio ga'hñaa' to'né' hi' laa' apóstole, ja'ga' ga'hñaa' hi' ngéé' juu' kiyh', hi' ga'hñaa' ta'jwoh', kyaah' hi' jmeé' he' juh'gaa', kyaah' hi' mi'hlää' dsa', kyaah' hi' jmeé' be' kih' dsa', kyaah' hi' kye' né' kih' dsa'kyaah', hi' kyaah' hi' lih' hléeh' jyoh' juu'. ²⁹ ¿Che' lä'jää' laa' apóstole? ¿Che' ga'lää'jää' laa' hi' ngéé' juu' kih' Dio? ¿Che' ga'lää'jää' laa' ta'jwoh'? ¿Che' ga'lää'jää' jmeé' he' juh'gaa'? ³⁰ ¿Che' ga'lää'jää' ma'hyoh' be' mah' mi'hlääy' dsa'dsaah'? ¿Che' ga'lää'jää' lih' hléeh' jyoh' juu'? ¿Che'

ga⁺lä⁺jëë⁺ lih⁺ jii⁺ juu⁺ he⁻ hlëëh⁺ dsa⁻kyaayh⁺? ³¹ Wa⁺ hee⁺ hoh⁺ hnäh⁺ kih⁺ ta⁺ he⁻ la⁺ kwa⁺ Jmi⁻lle⁺ Na⁻jngii⁺ he⁻ llu⁺ ga⁺ miih⁻.

Pero ta⁺ jyoh⁺ ko⁻taa⁻, hlëëhn⁺ hnäh⁺ ha⁻ lä⁺ jee⁺ jnääh⁺ hnäh⁺ he⁻ jmää⁺ cha⁻ga⁻miih⁻ kyah⁺ hnäh⁺.

He⁻ hnää⁺ jne⁺ dsa⁻kyaahn⁺, he⁻ ja⁻ ba⁺ kyeë⁺

13 ¹ Cher⁺mah⁺ ga⁺hlëëhn⁻ kyaah⁺ wa⁺ he⁻ cha⁻ he⁻ juu⁺ he⁻ hlëëh⁺ dsa⁻, hi⁺ kyaah⁺ juu⁺ he⁻ hlëëh⁺ ángele ka⁻läh⁺, hi⁺ cher⁺mah⁺ sa⁺ hnaan⁺ dsa⁻kyaahn⁺, laan⁺ lä⁻koö⁻ ñe⁺ he⁻ koö⁻ hii⁺ ta⁺jmah⁺. Laan⁺ lä⁻koö⁻ jwi⁺ñe⁺ kih⁺ të⁻. ² Cher⁺mah⁺ ga⁺hyohn⁺ cha⁻miih⁻ juu⁺ kih⁺ Dio he⁻ ngëen⁺ kih⁺ dsa⁺, hi⁺ cher⁺mah⁺ ga⁺lä⁻ngëen⁺ lä⁻jë⁺ juu⁺ he⁻ na⁻hmää⁺, cher⁺mah⁺ kyuu^h ba⁺ jnä⁺ lä⁻jë⁺, hi⁺ cher⁺mah⁺ ga⁺jmeen⁺ dsoo⁺ dsën⁻ cha⁻miih⁻ lä⁻jiih⁺ mi⁺siin⁻ høø⁺ moh⁺, pero cher⁺mah⁺ sa⁺ hnaan⁺ dsa⁻kyaahn⁺, ni⁺ miih⁻ sa⁺ cha⁻ he⁻ laan⁺. ³ Cher⁺mah⁺ ga⁺tí⁺ ga⁻lloohn⁺ ga⁺lä⁻jë⁺ he⁻ cha⁻ kin⁺ mah⁺ äahn⁺ dsa⁻ tä⁻nee⁺, hi⁺ cher⁺mah⁺ ga⁺kwaan⁺ hñiin⁺ kaan⁺, pero cher⁺mah⁺ sa⁺ hnaan⁺ dsa⁻kyaahn⁺, ni⁺ miih⁻ sa⁺ jmää⁺ kin⁺ lä⁻jë⁺ he⁻ ja⁻.

⁴ He⁻ hnää⁺ jne⁺ dsa⁻, he⁻ jøh⁻ dsën⁻ ba⁺ ja⁻, hi⁺ llu⁺ dsë⁻ jne⁺ ka⁻läh⁺. He⁻ hnää⁺ jne⁺ dsa⁻, ja⁺ he⁻ wii⁺ dsë⁻ jne⁺ kyaah⁺ dsa⁻. He⁻ hnää⁺ jne⁺ dsa⁻, ja⁺ he⁻ jmää⁺ jne⁺ hnaan⁺ kaah⁺, ni⁺ he⁻ jmeen⁺ kyeë⁺ jne⁺ cha⁻ga⁻miih⁻.

⁵ He⁻ hnää⁺ jne⁺ dsa⁻, ja⁺ he⁻ jmeen⁺ he⁻ sa⁺ lle⁻ kih⁺ jmeen⁺, ja⁺ he⁻ hnøøhn⁺ ma⁺la⁺ he⁻ llu⁺ jnän⁻ hñaan⁺, ja⁺ he⁻ lä⁻lleë⁺ jne⁺ na⁺køh⁺, ja⁺ he⁻ tøøh⁻ jne⁺ dsën⁻ kyaah⁺ dsa⁻. ⁶ Ja⁺ he⁻ tih⁻ dsë⁻ jne⁺ he⁻ hliih⁺, he⁻ tih⁺ dsë⁻ jne⁺ ju⁻dsoo⁺ jmah⁺ ba⁺. ⁷ He⁻ hnää⁺ jne⁺ Dio, he⁻ lä⁻be⁺ dsë⁻ jne⁺ kih⁺ lä⁻jë⁺, hi⁺ lä⁺ ma⁻dsoo⁺ ja⁻ba⁺ dsë⁻ jne⁺ kiyh⁺, hi⁺ ngoo⁺ ba⁺ he⁻ kye⁺ jne⁺ o⁻jøh⁺ dsë⁻, hi⁺ he⁻ kwëeh⁺ dsë⁻ jne⁺ ka⁻läh⁺.

⁸ He⁻ hnää⁺ jne⁺ dsa⁻kyaahn⁺ sa⁺ llaa⁺ jih⁺køh⁺. Pero lloo⁻ koö⁻ jmií⁺ mo⁺so⁺ jmee⁺ bii⁺ mi⁻jnäa⁺ Dio juu⁺ kih⁺, lä⁻ja⁻ ka⁻läh⁺ mo⁺so⁺ jmee⁺ bii⁺ hyoh⁺ dsa⁻ hlëëh⁺ jyoh⁺ juu⁺, hi⁺ mo⁺so⁺ jmee⁺ bii⁺ hyoyh⁺ he⁻ jmeey⁺ kyuu^h cha⁻ga⁻miih⁻. ⁹ Pero jmií⁺ he⁻ tøøhn⁺ la⁻, sa⁺ ga⁺ ma⁻lä⁻kyuu^h jne⁺ na⁻hñaa⁺ lä⁻jë⁺ juu⁺ na⁻, hi⁺ lä⁻ja⁻ ka⁻läh⁺ lä⁻jëë⁺ hi⁻ ngëë⁻ juu⁺ kih⁺ dsa⁺, sa⁺ hlëëyh⁺ na⁻hñaa⁺ lä⁻jëë⁻. ¹⁰ Pero wa⁻ra⁻ ga⁻lloo⁺ jmií⁺ jmee⁺ Dio ma⁻na⁻hñaa⁺ go⁻te⁻ lä⁻jë⁺, ma⁻ja⁻ mo⁺so⁺ jmee⁺ bii⁺ he⁻ ga⁺lä⁻kyuu^h jne⁺ miih⁻ jmi⁻gyuu⁺ la⁻, llaa⁺ go⁻te⁻ ba⁺ ja⁻.

¹¹ Lä⁻koö⁻ ma⁺ laan⁺ chih⁻, ga⁺hlëëhn⁻ lä⁻koö⁻ jaa⁻ chih⁻, ga⁺jmeen⁺ huú⁻dsë⁻ lä⁻koö⁻ jaa⁻ chih⁻, hi⁺ ga⁺kan⁺ kwaat⁻ lä⁻koö⁻ jaa⁻ chih⁻. Pero ma⁺ ga⁺lä⁻jøøhn⁺, mo⁺so⁺ ga⁺jmeen⁺ lä⁻jë⁺ he⁻ ma⁺ jmeen⁺ lä⁻koö⁻ ma⁺ mahn⁺. ¹² Jmií⁺ na⁺, sa⁺ ma⁻lä⁻ngëë⁻ jne⁺ na⁻hñaa⁺ lä⁻jëë⁻, la⁺ jnän⁻ lä⁻koö⁻ he⁻ jëë⁺ jne⁺ kyaah⁺ hu⁻ he⁻ sa⁺ jëë⁻ ba⁺. Pero wa⁻ra⁻ ga⁻lloo⁺ jmií⁺ ja⁻, ja⁻ga⁺ tëë⁺ jne⁺ jëën⁺ jëë⁻ go⁻te⁻. Na⁺ kyuu^h miih⁻ ba⁺. Pero wa⁻ra⁻ ga⁻lloo⁺ jmií⁺ ja⁻, ja⁻ga⁺ lä⁻kyuu^h lä⁻jë⁺, ja⁻ba⁺ lä⁻koö⁻ kyuu⁺ Dio jnä⁺.

¹³ Hnē nēē' ba' he' sa' llaa': he' ma'dsoo' dsē jne', he' cha' o'joh' dsē jnān', hi' he' hnāā' jne' dsa'kyaahn'. Kih' jee' lä'jē' he' la', kyee' ga' he' hnāā' jne' dsa'kyaahn'.

Ha' lä' la' kih' hi' hlēeh' jyoh' juu'

14 ¹ He' ja' go'nāā' ba' hnāh' ta' cha'nē' he' hnaah' hnāh' øøh' hnāh'. Hi' lä'ja' wa' hee' hoh' hnāh' kih' ta' he' la' kwa' Jmi'lle' Na'jngii'. Hi' kih' jee' lä'jē' ta' na', wa' hee' hoh' hnāh' kih' he' ngēeh' hnāh' juu' kih' Dio. ² Jēeh', jaa' hi' hlēeh' jyoh' juu', ja' he' hlēeyh' kyaah' dsa' ja', he' hlēeyh' kyaah' Dio ba' ja'. Hi' ma'ke' hlēeyh' juu' kaah' he' kwa' Jmi'lle' Na'jngii', ni' jaa' sa' ngēē' juu' kiyh'. ³ Pero jaa' hi' ngēē' juu' lä'koo' ga'hyoyh' kih' Dio, hi' he' ba' hlēeh' juu' he' jmeey' dsa'nāā' dsa' ta' cha'nē', kway' be' kih' dsa', hi' jmeey' dsa'nøh' dsē' dsa'. ⁴ Jaa' hi' hlēeh' juu' he' sa' ngēē' jne', he' kway' be' kih' hñiiy' ba' ja'. Pero jaa' hi' ngēē' juu' lä'koo' ga'hyoyh' kih' Dio, kway' be' kih' lä'jēē' hi' laa' kyaa' Dio.

⁵ Hnoon' wa'ra' jāh' kih' lä'jēē' ba' hnāh' hlēeh' hnāh' jyoh' juu'. Pero cha'ga'miih' hnoon' wa'ra' jāh' kih' ga'hñah' hnāh' ta' he' ngēeh' hnāh' juu' kih' Dio. Jēeh', llu' ga' he' ja', lä'koh' ga' he' hlēeh' hnāh' jyoh' juu'. Hi' ma'ra' he' jmāā' ba' he' hlēeh' hnāh' jyoh' juu' wa'ra' jāh' kih' chaa' hi' jii' juu' ja' mah' kwa' be' kih' hi' laa' kyaa' Dio. ⁶ Jēē' da' hnāh' øøhn'. Cher'mah' ngoon' na'hlēehn' hnāh' kyaah' jyoh' juu' he' ma'hyohn' kih' Dio, sa' jmāā' he' ja' kyah' hnāh'. Llu' ga' he' hlēehn' hnāh' he' ga'mi'jnāā' Dio kin' ba', hi' hlēehn' hnāh' he' ma'kyuuh' jne', hi' hlēehn' juu' lä'koo' ga'hyohn' kih' Dio, hi' kyaah' nuuh' he' ma'mi'tēē' jne'.

⁷ Lä'ja' la' kih' lä'jē' he' sa' na'jiih'. Wa'ra' ga'hii' luu' hma'ta', wa'ra' ga'hii' tu', cher'mah' sa' ga'hii' kwee', sa' chaa' hi' ñe' hee' su' ja' hii'. ⁸ Hi' cher'mah' sa' ga'hii' kwee' luu' hoo', ni' jaa' hløø' sa' mi'lluu' hñii' mah' dsa'nāāy' jee' hñii'. ⁹ Lä'ja' la' kyah' hnāh' ka'lāh'. Cher'mah' sa' jēē' juu' he' hlēeh' hnāh', ÷ha' lä'ja' lä'ngēē' dsa' juu' he' hlēeh' hnāh'? Koo' taah' miih' ba' ja' he' hlēeh' hnāh'. ¹⁰ Joh' juu' sa' hlēeh' dsa' lä'kaa' lä'juh' jmi'gyuu', hi' lä'koo' lä'koo' jwii' ngēē' bih' juu' kiyh'. ¹¹ He'ja' cher'mah' sa' ngēēn' juu' he' hlēeh' dsa', laan' lä'koo' jaa' hi' chaa' uu' ba' kiyh'. Hi' lä'ja' laa' hi' he' ki' jnā' ka'lāh'. ¹² Lä'ja' jmeē' hnāh' ka'lāh'. Na' he' ma'hee' hoh' hnāh' kih' ta' he' la' kwa' Jmi'lle' Na'jngii', he'ja' cha'ga'miih' wa' tih' hoh' hnāh' he' la' kwa' Jmi'lle' Na'jngii' he' jmeē' dsa'kwaa' lä'hii' nē' hi' laa' kyaa' Dio.

¹³ Kih' he'ja', jaa' hi' ma'hyoh' hlēeh' jyoh' juu', wa' ngiiy' kiyh' kih' Dio mah' kway' be' ha' lä' jee' jiiy' juu' ja' kyaah' dsa'kyaayh'. ¹⁴ Jēeh', cher'mah' ga'ngiin' kin' kyaah' juu' he' sa' ngēēn', he' ngiin' kyaah' jmi'lle' kin' ba' ja'. Pero juu' ja', sa' ngēēn' he' hnøø' jāh'. ¹⁵ He'ja', ÷ha' lä' jmeen'? Ngii' ba' jnā' kyaah' jmi'lle' kin', hi' lä'ja' ka'lāh'

kyaah' juu' he- ngëen' ba'. Hi+ hän` kyaah' jmi`lle' kin+, hi+ lä`ja- ka`läh' hän` kyaah' juu' he- ngëen'. ¹⁶ Jëeh', cher'mah' ga`häh' kyaah' jmi`lle' jmah' jee' kwah- ti'hmaah' kih' Dio, ha- lä`ja- jäh+ hi- tääh' nuu-: "Wa' la' lä`ja-", cher'mah' sa+ ma`lä`ngëey' hee- ja- he- ma`hlëeh'. ¹⁷ Ma`ke+ jnaah' ma`kwah' ti'hmaah', pero kih' hi- tääh' nuu-, sa+ tëey' be' kyaah' juu' ja-. ¹⁸ Kwan+ ti'hmaah' kih' Dio kih' he- ma`hyohn~ hlëehn' cha`ga`miih- jyoh' juu' lä`koh' ga' hnäh'. ¹⁹ Pero ga' ma`chehn' jee' dsa`nee+ øøh' jne', llu' ga' laan+ he- hlëehn' hña' mi'juu' he- lä`ngëey' dsa- wa`ra- ga`të' jee' hlëeh' jnih', lä`koh' ga' he- hlëehn' gya' mil mi'juu' he- sa+ kyuu~ dsa-.

²⁰ Øøhn', ta+ jmee- hnäh' huudsë- lä`koo- jaa- chih- hi- sa+ ngëey'. Llu' ba' cher'mah' laah' hnäh' lä`koo- jaa- chih- hi- sa+ jmee+ he- hliih'. Pero hnøø' jmeeh' hnäh' huudsë- lä`koo- jaa- dsa- ma`jøøh' ba'. ²¹ Lä`la- na`sii- në' ley:

Kyaah' jyoh' juu' hlëehn' dsa- la-.

Kyaah' juu' he- hlëeh+ dsa- chaa- uu' ba' hlëeh' jnih'.

Pero ni+ lä`ja-, sa+ nuuy' kin+, ga`jäh' Dio.

²² Lä`ja-, hi- ma`hyoh~ hlëeh' jyoh' juu', la' koo- he- juh- gaa- kih' hi- sa+ ga' ma`heeh- kih' Dio. Sa+ la' kih' hi- ma`heeh- kih' Dio. Pero ta+ jyoh' ko`taa-, jaa- hi- ngëey~ juu' he- ga`hyoyh' kih' Dio, hlëeyh~ hi- ma`heeh- kih' Dio ba'. Sa+ la' kih' hi- sa+ ma`heeh- kih' Dio. ²³ He`ja- sa+ llu' cher'mah' lä`jëe+ hnäh' hlëeh' hnäh' jyoh' juu' he- sa+ ngëey' jne' jee' dsa`nee+ hnäh'. Jëeh', cher'mah' ga`lloo' jaa- hi- hmëe' o jaa- hi- sa+ ga' ma`dsoo' dsë' kih' Dio, ma`ja- jäh+, he- ngaah' ba' hnäh' na-. ²⁴ Pero cher'mah' lä`jëe+ hnäh' ngëeh' hnäh' juu' he- ga`hñah' hnäh' kih' Dio hi+ cher'mah' ga`lloo' jaa- hi- hmëe' o jaa- hi- sa+ ga' ma`heeh- kih' Dio jee' tääh' hnäh', kyaah' juu' he- ngëeh' hnäh' ja- jmee' lä`ngëey' he- ma`hläy~h-, hi+ lä`liiyh- lä`jë+ he- jmeey+. ²⁵ Hi+ lä`jnä' lä`jë+ he- na`hmää' neh+ tuh- dsëy'. Ja- ga' na+ juuyh' jnyey' mah' hnaayh+ Dio, jäh+: "Ma`ra+ ju'dsoo', cheh' ba' Dio jee' kyah' hnäh'."

Hnøø' dsa'toohn' lä`koo- lle` kih' lä+ ma' dsa`nee+ jne'

²⁶ Øøhn', he- koo- juu' lle' jne' kih' jee' lä`jë+ he- ma`jwëeh~n' hnäh'. Jee' dsa`neeh+ hnäh', chaa- hi- hä+, chaa- hi- mi`tëe+, chaa- hi- hlëeh+ ga' jyoh' juu', chaa- hi- ma`mi`jnää- Dio miih- kih', chaa- hi- lih+ jii' juu' he- sa+ ngëey' jne'. He`ja- jmee' hnäh' lä`jë+ he- na- mah' lä`cha- cha`ga`miih- be' kyah' hnäh'. ²⁷ Wa`ra- ga`hlëeh' hnäh' jyoh' juu', wa' hlëeh' uu' uu- ba', pero ma+ jaa- ba'. Hi+ ma`ra+ he- hnää' jaa- hi- lih+ jii' juu' ja-. ²⁸ Cher'mah' sa+ chaa- hi- lih+ jii' juu' ja-, sa+ wa' hlëeyh' hi- tääh' neh+ gwah+. Wa' hlëeyh' jee' nuuy- hñiiy' ba', hi+ wa' hlëeyh' kyaah' Dio. ²⁹ Lä`ja- ka`läh' kih' hi- ngëey~ juu' he- ga`hyoyh' kih' Dio. Wa' hlëeh' uu' uu- ba', mah' jee' lä`jëe+ wa' kyey' kwaat~ ha- lä+ dsoo' juu' ja-. ³⁰ Cher'mah' ga`mi`jnää- Dio miih- kih' jaa- hi- gya' nuu-, wa'

jøøy¹ lä⁺jiih¹ llaa⁺ hlëeh¹ hi⁻ ma⁻løø¹ to⁻në⁺ he⁺. ³¹ Jëeh⁺, lä⁺jëë⁺ ba⁺ hnäh⁺ cha⁻ jwë¹ kyah¹ hnäh⁺ ngëeh⁺ hnäh⁺ juu¹ he⁻ ma⁻hñah[~] hnäh⁺ kih¹ Dio. Pero ma⁺ jaa⁻ ba⁺ hnäh⁺ ngëeh⁺ hnäh⁺ juu¹ ja⁻, mah¹ lä⁺ja⁻ lä⁺tëë⁻ lä⁺jëë⁺, hi⁺ hyoyh⁺ cha⁻ga⁻miih⁻ be⁺. ³² Jmi⁻lle⁺ kih¹ hi⁻ ngëë⁻ juu¹ nuuh⁺ bih¹, sa⁺ hlëeyh¹ ta⁺ko⁻jiih¹ hlëeh⁺ jñah⁺ øøyh⁻. ³³ Jëeh⁺ Dio, sa⁺ laay¹ Dio hi⁻ koo⁻ jmee⁺ tääh⁺ miih⁺. He⁻ jmeey⁺ hii⁺ ti⁺ jnän⁻ ba⁺.

Lä⁺koo⁻ jmee⁺ lä⁺jë⁺ gwah⁺ jee⁺ dsa⁻ñee⁺ lä⁺jëë⁺ hi⁻ laa¹ kyaa¹ Dio, ³⁴ lä⁺jëë⁺ dsa⁻më⁺ sa⁺ wa⁺ tooyh¹ miih⁺ jee⁺ tääyh⁺ neh⁺ gwah⁺. Jëeh⁺, sa⁺ cha⁻ jwë¹ kiyh¹ hlëeyh¹. Hnøø¹ nuuyh⁺ kih¹ dsa⁻ñuuh⁻ ba⁺, lä⁺koo⁻ jäh⁺ në⁻ ley. ³⁵ Cher⁺mah¹ he⁻ hnøøy¹ lä⁺tëëy⁻, wa⁺ ngiiy¹ juu¹ kih¹ dsa⁻ñuuh⁻ kyaay¹ wa⁺ra⁻ ga⁻lla⁻näay⁻ cha⁻neh⁺ kiyh¹. Jëeh⁺, sa⁺ sooh⁻ kih¹ dsa⁻më⁺ hlëeyh¹ neh⁺ gwah⁺.

³⁶ Ja⁺ ma⁺la⁺ jee⁺ kyah¹ hnäh⁺ ga⁻lä⁺cha⁺ juu¹ kih¹ Dio. Ni⁺ sa⁺ la⁺ ma⁺la⁺ kyah¹ hnäh⁺ ka⁻läh⁺. ³⁷ Cher⁺mah¹ chaa⁻ hi⁻ jmee⁺ huudsë⁻ laay¹ jaa⁻ hi⁻ ngëë⁻ juu¹, o cha⁻ ga⁻ jyoh⁺ he⁻ ga⁻hyoyh¹ kih¹ Jmi⁻lle⁺ Na⁻jngii¹, hi⁻ he⁺ tah⁻ dsëy¹ la⁺ mada⁻ kih¹ Dio lä⁺jë⁺ he⁻ ma⁻siin¹ la⁻. ³⁸ Kih¹ hi⁻ sa⁺ jmee⁺ he⁺ kih¹ juu¹ la⁻, ta⁺ jmee⁻ hnäh⁺ he⁺ kiyh¹.

³⁹ Lä⁺ja⁻ hnäh⁺ øøhn¹, wa⁺ hee⁺ hoh⁺ hnäh⁺ kih¹ ta⁺ he⁻ ngëeh⁺ hnäh⁺ juu¹ kih¹ Dio. Hi⁺ ta⁺ ha⁻ hnäh⁺ kih¹ hi⁻ lih⁺ hlëeh¹ jyoh⁺ juu¹. ⁴⁰ Pero ta⁺ jmee⁻ hnäh⁺ wa⁺ la⁺ cha⁻ la⁺ jee⁺ dsa⁻ñeeh⁺ hnäh⁺, jmee⁺ hnäh⁺ lä⁺koo⁻ lle⁻ kih¹ ba⁺.

Ga⁺lä⁺jiih¹ Cristo ma⁺ ga⁺hya⁻ hnë⁻ jmi⁺ na⁻juuy⁺

15 ¹ Na¹ na⁻ mi⁻dsoohn⁻ hoh⁺ hnäh⁺ øøhn¹, ha⁻ lä⁺ la⁺ ju⁻hmëë⁺ he⁻ ga⁺hlëëhn⁻ hnäh⁺, ja⁻ba⁺ he⁻ ga⁺heeh⁻ hnäh⁺ ja⁻. Hi⁺ lä⁺ ma⁻tääh⁺ ja⁻ba⁺ hnäh⁺ kyaah¹ juu¹ ja⁻ lä⁺jiih¹ na¹. ² Kyaah¹ ja⁻ba⁺ juu¹ la⁻ ma⁻na⁻laah⁺ hnäh⁺ cher⁺mah¹ ga⁻nää⁺ ba⁺ hnäh⁺ koo⁻ hweh⁻ kyaah¹ juu¹ he⁻ ma⁻hlëëhn⁻ hnäh⁺. Pero cher⁺mah¹ sa⁺ la⁺ lä⁺ja⁻, sa⁺ jmaa⁺ he⁻ ma⁻dsoo⁺ hoh⁺ hnäh⁺.

³ To⁻në⁺ ga⁺hlëëhn⁻ hnäh⁺ ja⁻ba⁺ juu¹ he⁻ ga⁺heeh⁻ hñiin⁺ he⁻ ga⁺juu¹ Cristo kih¹ dso⁻kye⁻ jnän⁻ lä⁺koo⁻ na⁻si⁻ juu¹ kih¹ Dio. ⁴ Ja⁻ga⁺ na⁺ ga⁺haa¹ dsih⁺ mah¹ ga⁺lä⁺jiiyh⁻ ka⁻läh⁺ ma⁺ ga⁺hya⁻ hnë⁻ jmi⁺, lä⁺koo⁻ ma⁻na⁻si⁻ kiyh¹ jää¹. ⁵ Ga⁺mi⁺jnäay⁻ hñiiy⁺ kih¹ Pee⁺. Hi⁺ këë⁻ ga⁺, ga⁺mi⁺jnäay⁻ hñiiy⁺ kih¹ lä⁺jëë⁺ gya⁺tuu⁺. ⁶ Ma⁻ngëë⁺ he⁻ ja⁻, ga⁺mi⁺jnäay⁻ hñiiy⁺ kih¹ laa⁻ ga⁺ hña⁺ hña⁻laa⁺ øøh¹ jne⁺ kyaah¹ koo⁻ hä⁺ ba⁺. Hi⁺ jwëë⁺ øøh¹ jne⁺ he⁺, chaa⁻ gyih¹ lä⁺jiih¹ na¹, ko⁻llaa⁺ ba⁺ ma⁻na⁻juu¹. ⁷ Ma⁻ngëë⁺ he⁻ ja⁻, ga⁺mi⁺jnäay⁻ hñiiy⁺ kih¹ Jacobo, ja⁻ga⁺ ga⁺mi⁺jnäay⁻ hñiiy⁺ jee⁺ ma⁺ tääh⁺ lä⁺jëë⁺ apóstole.

⁸ Jee⁺ ga⁺dsaa¹ ja⁻, ga⁺mi⁺jnäay⁻ hñiiy⁺ ki⁺ jnä⁺. Jnä⁺ hi⁻ ga⁺la¹ kih¹ lä⁺koo⁻ jaa⁻ hi⁻ sa⁺ ga⁺lä⁺chaa⁺ lä⁺koo⁻ lle⁻ kih¹. ⁹ Jëeh⁺, mäh¹ ga⁺ jnä⁺ lä⁺koh⁺ ga⁺ jee⁺ lä⁺jëë⁺ apóstole he⁺. Ni⁺ sa⁺ lle⁻ kih¹ tëeh¹ dsa⁻ jnä⁺ apóstol. Jëeh⁺, ga⁺jmeehn⁻ cha⁻miih⁻ hi⁻ laa¹ kyaa¹ Dio. ¹⁰ Pero, kih¹ he⁻ llu¹ dsë¹ Dio, he⁻ ja⁻ ba⁺ ja⁻ laan¹ he⁻ jwahn⁺ laan¹. Hi⁺ ga⁺jmaa⁺ ba⁺ he⁻

llu¹ dsëy¹ kyaah¹ jnä¹ jëeh¹ ga¹jmeen¹ cha¹ga¹miih¹ ta¹ lä¹koh¹ ga¹ jee¹ lä¹jëë¹ apóstole he¹. Pero ja¹ hñiin¹ hi¹ ga¹jmee¹ ta¹ ja¹. He¹ llu¹ dsë¹ Dio kyaah¹ jnä¹ ba¹ ja¹, he¹ja¹ ya¹hii¹ llu¹ ta¹ he¹ ga¹jmeen¹. ¹¹ Lä¹ja¹ ba¹ la¹ juu¹ he¹ kwa¹ jnääh¹, kwee¹ ba¹ jmee¹ cher¹mah¹ jnä¹, o cher¹mah¹ jñah¹ kwa¹ juu¹ la¹, hi¹ juu¹ la¹ ba¹ ja¹, he¹ ga¹heeh¹ hnäh¹.

Lä¹jiih¹ lä¹jëë¹ dsa¹ hi¹ ma¹na¹juu¹

¹² Ga¹nueh¹ ba¹ hnäh¹ he¹ ga¹kwa¹ dsa¹ juu¹ he¹ ga¹lä¹jiih¹ Cristo. ¿He¹la¹ ja¹ ko¹llaa¹ hnäh¹ jwah¹ hnäh¹ he¹ sa¹ lä¹jiih¹ dsa¹ hi¹ ma¹na¹juu¹? ¹³ Jëeh¹, cher¹mah¹ sa¹ lä¹jiih¹ dsa¹ hi¹ ma¹na¹juu¹, ni¹ sa¹ ga¹lä¹jiih¹ Cristo cher¹mah¹ lä¹ja¹ la¹. ¹⁴ Hi¹ cher¹mah¹ sa¹ ga¹lä¹jiih¹ Cristo, sa¹ jmää¹ ta¹ he¹ kwa¹ jnääh¹ juu¹ kiyh¹. Lä¹ja¹ ka¹läh¹, he¹ ma¹lä¹dsoo¹ dsë¹ jne¹, sa¹ jmää¹ ta¹ ni¹ miih¹. ¹⁵ Hi¹ ja¹ ma¹la¹ he¹ ja¹. Ga¹jmee¹ jnääh¹ juu¹ ta¹juu¹ kih¹ Dio, jëeh¹ ma¹jmee¹ jnääh¹ ju¹dsoo¹ he¹ ga¹mi¹jiih¹ Cristo. Pero sa¹ ga¹lä¹jiih¹ Cristo cher¹mah¹ la¹ ju¹dsoo¹ he¹ sa¹ lä¹jiih¹ dsa¹. ¹⁶ Jëeh¹, cher¹mah¹ sa¹ lä¹jiih¹ dsa¹ hi¹ ma¹na¹juu¹, ni¹ lä¹ja¹ sa¹ ga¹lä¹jiih¹ Cristo. ¹⁷ Wa¹ra¹ jäh¹ kih¹ sa¹ ga¹lä¹jiih¹ Cristo, sa¹ jmää¹ ta¹ he¹ ma¹dsoo¹ hoh¹ hnäh¹. Lä¹ ma¹tääh¹ ja¹ba¹ hnäh¹ kyaah¹ dso¹kye¹ kyah¹ hnäh¹. ¹⁸ Lä¹ja¹ ka¹läh¹, ma¹na¹heeh¹ go¹te¹ lä¹jëë¹ hi¹ ga¹juu¹ hi¹ laa¹ kyaa¹ Cristo. ¹⁹ Wa¹ra¹ jäh¹ kih¹ la¹ kih¹ jmi¹gyueh¹ la¹ba¹, he¹ ma¹cha¹ o¹joh¹ dsë¹ jnän¹ kyaah¹ Cristo, peer¹ jwi¹ jne¹ jee¹ kih¹ lä¹jëë¹ dsa¹.

²⁰ Pero ma¹ra¹ ju¹dsoo¹ he¹ ga¹lä¹jiih¹ Cristo jee¹ kih¹ hi¹ na¹juu¹. Laay¹ to¹në¹ kih¹ lä¹jëë¹ hi¹ lä¹jiih¹ jee¹ kih¹ hi¹ na¹juu¹. ²¹ Kih¹ jaa¹ ba¹ dsa¹ ja¹ he¹ dsa¹juu¹ dsa¹. Lä¹ja¹ ka¹läh¹, kih¹ jaa¹ ba¹ dsa¹ ja¹ he¹ lä¹jiih¹ hi¹ na¹juu¹. ²² Jëeh¹, ja¹ba¹ lä¹koh¹ dsa¹juu¹ dsa¹ kih¹ he¹ laay¹ sa¹ju¹ kih¹ Adán, ja¹ba¹ lä¹ja¹ lä¹jiih¹ hi¹ laa¹ kyaa¹ Cristo. ²³ Lä¹jaa¹ lä¹jaa¹ lä¹jiih¹, ga¹ ma¹të¹ hor¹ kiyh¹. To¹në¹ ga¹lä¹jiih¹ Cristo hi¹ kye¹ në¹ jnän¹. Ja¹ga¹ lä¹jiih¹ ka¹läh¹ hi¹ laa¹ kyaay¹ wa¹ra¹ ga¹të¹ jee¹ jäh¹. ²⁴ Hi¹ wa¹ra¹ ga¹të¹ jee¹ laa¹ go¹te¹, lla¹dsëe¹ Cristo kih¹ lä¹jëë¹ hi¹ tääh¹ jmee¹ hih¹, hi¹ kih¹ hi¹ laa¹ ta¹ hi¹ kih¹ hi¹ beeh¹. Ma¹ja¹ ga¹ tooyh¹ goo¹ Dio hi¹ laa¹ Täa¹ jnän¹ mah¹ hñii¹ bih¹ jmeey¹ hih¹. ²⁵ Jëeh¹, jmee¹ bi¹ lla¹dsëe¹ Cristo kih¹ lä¹jëë¹ hi¹ na¹høøh¹ kiyh¹ lä¹jiih¹ jäh¹ ta¹ hwa¹ huuh¹ tiy¹. ²⁶ Kih¹ jee¹ lä¹jëë¹ hi¹ na¹høøh¹ kiyh¹ he¹, heey¹ go¹te¹ hi¹ jngiih¹ kih¹ dsa¹. ²⁷ Jëeh¹, kih¹ Dio ma¹jäh¹ ta¹ hwa¹ huuh¹ tiy¹ Cristo lä¹jë¹ go¹te¹ he¹ cha¹. Lä¹koo¹ ma¹ ga¹jäh¹: “Ma¹jäh¹ ta¹ hwa¹ huuh¹ tiy¹ lä¹jë¹ he¹ cha¹”, në¹ ba¹ jne¹ sa¹ hlëeh¹ lä¹kye¹ kih¹ hñii¹ Dio hi¹ ga¹tooh¹ gooy¹ lä¹jë¹ he¹ ja¹. ²⁸ He¹ja¹ wa¹ra¹ ga¹jäh¹ ta¹ hwa¹ huuh¹ tiy¹ lä¹jë¹ he¹ cha¹, ja¹ga¹ na¹ Jooy¹ ngëey¹ hñiiy¹ cha¹në¹ hi¹ ga¹tooh¹ gooy¹ lä¹jë¹ he¹ cha¹ mah¹ lä¹ja¹ jäh¹ jøøh¹ Dio jee¹ kih¹ lä¹jëë¹.

²⁹ Ta¹ jyoh¹ ko¹taa¹, ¿heeh¹ ga¹lih¹ dsa¹ hi¹ ga¹saa¹ jmi¹ lla¹ hi¹ ma¹na¹juu¹? Cher¹mah¹ sa¹ lä¹jiih¹ dsa¹ hi¹ ma¹na¹juu¹, ¿he¹la¹ ja¹ ga¹saay¹ jmi¹ lla¹ hi¹ ma¹na¹juu¹? ³⁰ Lä¹ja¹ jnääh¹ ka¹läh¹, ¿he¹la¹ ja¹ heeh¹ jnääh¹ he¹ hii¹ goo¹ kyaa¹ jnääh¹ ga¹lä¹jë¹ jmi¹, cher¹mah¹ sa¹

lä⁺jiih' dsa⁻? ³¹ Ju'dsoo' jwahn⁻ øøhn[!], lä⁺jë⁻ jmi[!] ba' hii' goo⁻ juun'. Hi⁻ lä⁺ja⁻ la' ju'dsoo' he⁻ chaan⁻ llu[!] jwërte kwaat⁻ kyah[!] hnäh' jee' hnääh⁻ jne' Jesucristo Dsa⁻jøøh[!] jnän'. ³² Wa'ra⁻ jäh' kih[!] laan[!] dsa⁻ wa' hi⁻ cha⁻ hi⁻, ðhee⁻ jmää[!] kin⁺ ja⁻, he⁻ ga⁻teen[!] kyaah[!] dsa⁻ hi⁻ laa[!] lä⁺koo⁻ jah' hää[!] hi⁻ tääh' jwii' Éfeso? Wa'ra⁻ jäh' kih[!] sa⁻ lä⁺jiih' dsa⁻ hi⁻ ma⁻na⁻juu', wa' jmee' ba' jne' lä⁺jë⁻ he⁻ tih⁻ dsë⁻ jne', wa' kih[!]hihn[!] llu[!]. Jëeh', hø[!] ba' juu' jne'.

³³ Pero ta⁻ mi⁻gaa[!] hnäh' hñaah[!] kih[!] hi⁻ hlëeh⁻ lä⁺ja⁻. Jëeh' cher'mah[!] ga⁻jmeë' jne' ko⁻jøh' kyaah[!] hi⁻ hña⁻dsë⁻, dsa⁻hee' lä⁺jë⁻ he⁻ llu[!] he⁻ tëë[!] jne' jmeen⁻. ³⁴ Jmee' hnäh' hu⁻dsë⁻, mo⁻to⁻ jmeë⁻ ga' hnäh' he⁻ hliih[!]. Jëeh', ko⁻llaa[!] hnäh' sa⁻ jmeeh⁻ hnäh' he[!] kih[!] Dio. He⁻ja⁻ jwahn⁻ lä⁺na⁻ mah[!] jä⁻ o⁻hih⁺ kyah[!] hnäh'.

Ha⁻ lä⁺ la[!] he⁻ lä⁺jiih' dsa⁻

³⁵ Pero jäh⁻ ko⁻llaa[!] dsa⁻: “ðHa⁻ lä⁺ la[!] he⁻ lä⁺jiih' dsa⁻? ðHa⁻ ba' lä⁺jnääy' wa'ra⁻ ga⁻lä⁺jiiyh'?” ³⁶ Peer⁻ taah⁻ hne⁻. Sa⁻hya⁻ mi⁻ju⁻ he⁻ jngëeh⁻ cher'mah[!] ga⁻jä⁻ lä⁺ ma⁻la[!] ja⁻ba[!] mi[!]. ³⁷ He⁻ jngëeh⁻ ja⁻, sa⁻ la[!] chaah[!] he⁻ ja⁻ga[!]hya⁻. La[!] mi⁻ju⁻ ta⁻jmah[!] ba', cher'mah[!] la[!] mi⁻ju⁻ trigo, o he⁻ ga⁻ jyoh' mi⁻ju⁻. ³⁸ Dio kwa⁻ chaah[!] lä⁺koo⁻ lla[!] dsëy[!]. Lä⁺koo⁻ nëë[!] mi⁻ju⁻hya⁻ kyaah[!] chaah[!] lä⁺koo⁻ lle⁻ kih[!]. ³⁹ Hi⁻ lä⁺ja⁻ la[!] kih[!] ngo[!], sa⁻ la[!] koo⁻ nëë[!] ba' jee' lä⁺jë⁻. Kah[!] ba' la[!] jmi⁻ngo[!] kih[!] dsa⁻ jmi⁻gyuu⁻, hi⁻ kah[!] ba' la[!] ngo[!] kih[!] jah'. Kah[!] ba' la[!] ka⁻läh' ngo[!] kih[!] jah' hi⁻ tääh' cha⁻jmi⁻, hi⁻ lä⁺ja⁻ ka⁻läh' kih[!] jah' hi⁻ hëë⁻. ⁴⁰ Hi⁻ lä⁺ja⁻ la[!] ka⁻läh' kih[!] hi⁻ chaa⁻ gyuu[!] kyaah[!] hi⁻ chaa⁻ hwa[!] la⁻. Kah[!] ba' jnääy' hi⁻ chaa⁻ gyuu[!] hi⁻ kah[!] ba' laa[!] hi⁻ chaa⁻ hwa[!] la⁻. ⁴¹ Kah[!] ba' la[!] jmëë[!] hyoo⁻, hi⁻ kah[!] ba' la[!] kih[!] sih⁻, hi⁻ lä⁺ja⁻ kih[!] cha⁻nuu⁻ ka⁻läh'. Kah[!] ba' la[!] jmëë[!] kih[!] jaa⁻ jaa⁻.

⁴² Ja⁻ba⁻ lä⁺ja⁻ la[!] he⁻ lä⁺jiih' dsa⁻ hi⁻ ma⁻na⁻juu'. Hoo⁻ dsa⁻ jmi⁻ngo[!] he⁻ dsa⁻hee', pero wa'ra⁻ ga⁻lloo[!] jmi[!] lä⁺jiiyh' ka⁻läh', mo⁻so⁻ heey' jih⁻koh'. ⁴³ Hoo⁻ dsa⁻ he⁻ mo⁻so⁻ tih⁻ dsëy[!], pero wa'ra⁻ ga⁻lä⁺jiih', lä⁺jnä⁻ na⁻hñaah[!]. Hoo⁻ dsa⁻ he⁻ ma⁻hwaa[!] go⁻te⁻, pero wa'ra⁻ ga⁻të⁻ jee' lä⁺jiih', ma⁻kyaah[!] cha⁻miih⁻ be'. ⁴⁴ He⁻ hoo⁻ dsa⁻, la[!] kih[!] hwa[!] la⁻. Pero he⁻ lä⁺jiih', la[!] kyaah[!] jmi⁻lle'. Cha⁻ jmi⁻ngo[!] he⁻ la[!] kih[!] hwa[!], hi⁻ lä⁺ja⁻ cha⁻ he⁻ la[!] kyaah[!] jmi⁻lle'. ⁴⁵ Lä⁺ja⁻ na⁻si⁻ juu[!] kih[!] Dio: “Dsa⁻nüuh⁻ Adán hi⁻ to⁻në⁻ he', ma⁻ na⁻laa⁻ kih[!] hwa[!] la⁻ ba[!] hi⁻ ma⁻ jiiyh'.” Pero Adán hi⁻ ja[!] jee' ga⁻dsaa[!] he', laa[!] kyaah[!] jmi⁻lle' mah[!] jmeey[!] chaa⁻ dsa⁻. ⁴⁶ Hi⁻ laa[!] kyaah[!] jmi⁻lle' sa⁻ laay[!] to⁻në'. Hi⁻ ma⁻ na⁻laa⁻ kih[!] hwa[!] la⁻ ba[!] ma⁻ laay[!] to⁻në', ja⁻ga[!] ja[!] hi⁻ laa[!] jmi⁻lle'. ⁴⁷ Dsa⁻nüuh⁻ hi⁻ ma⁻ laa[!] to⁻në', ma⁻ na⁻jnääy' kih[!] hwa[!] la⁻. Pero jee' ga⁻të⁻ uu[!] dsa⁻nüuh⁻ he', laa[!] Dsa⁻jøøh[!] jnän⁻ hi⁻ na⁻jnääy' kih[!] gyuu[!]. ⁴⁸ Ga⁻lä⁺jëë⁻ hi⁻ na⁻jnääy' kih[!] hwa[!] la⁻, laay[!] kwee⁻ kyaah[!] hi⁻ ga⁻laa[!] kyaah[!] gwaah[!]. Lä⁺ja⁻ ka⁻läh' lä⁺jëë⁻ hi⁻ na⁻jnääy' gyuu[!], leey' lä⁺koo⁻ laa[!] hi⁻ gya[!] gyuu[!]. ⁴⁹ Jnääy' jne' kwee⁻ lä⁺koo⁻ ma⁻ jnääy' hi⁻ ga⁻laa[!] kyaah[!] gwaah[!]. Ja⁻ba⁻ lä⁺ja⁻, lä⁺koo⁻ jnääy' hi⁻ gya[!] gyuu[!], lä⁺ja⁻ lä⁺jnääy' jne' ka⁻läh'. ⁵⁰ Lä⁺ja⁻ jwëëhn⁻ hnäh' øøhn[!], hi⁻ laa[!]

kyaah' jmi-ngo', sa' tēy' ya'jwii' kih' Dio. Jēh' jmi-ngo' he' dsa-hee', sa' hiih' kyaah' jyoh' jmi-ngo' he' na' ga' tēē' jne' he' sa' dsa-hee' jih'koh'.

⁵¹ Na' jwēēhn' hnāh' koo' juu' he' ma' na-hmāā'. Ja' lä'jēē' jne' juun', pero lä'jēē' jne' lä'sēē' jne'. ⁵² Ni' sa' leeh' ga' jne', kyaah' koo' hmih' ba' jne' lä'sēē' jne', wa'ra' ga' hii' jee' ga'dsaa' luu' hoo'. Jēh', hii' luu' hoo' mah' lä'jiih' lä'jēē' hi' ma-na-juu'. Ja' jiih' mo'so' juuy' jih'koh'. Lä'jēē' ba' jne' lä'sēē' jne' ma'ja'. ⁵³ Jmi-ngo' jnān' he' dsa-hee', jmee' bii' lä'sii' mah' mo'so' hee'. Hi' jmee' bii' lä'sii' mah' mo'so' juu' jih'koh'. ⁵⁴ Wa'ra' ga'lii' jmi-ngo' he' dsa-hee', ja' jiih' mo'so' hee', hi' wa'ra' ga'lii' jmi-ngo' he' dsa-juu', lä'ja' mo'so' juu' ga'. Ja' ga' na' lä'te' juu' he' na-sii' lä'la': "Ma'dsaa' go'te' ba' he' ma' jmee' dsa-juu' dsa'. ⁵⁵ Na' hma'kuu' he' ma' lle' na'kuu' he' ma' jngiih' kih' dsa'. Na' to'høø, he' ma' lla-dsēē' kih' dsa'." ⁵⁶ Hma'kuu' he' jngiih' kih' dsa', la' dso'kye'. Hi' dso'kye' ja', ka' be' kih' ley mah' jmeeh' jne'. ⁵⁷ Wa' kwan' ti'hmaah' kih' Dio hi' jmee' lēh' jne' ta'la' kih' Jesucristo Dsa-jøøh' jnān'.

⁵⁸ He'ja' jwēēhn' hnāh' øøhn' hi' hnaan' cha-miih', go-taah' hnāh' koo' hweh'. Ta' jeh' hoh' hnāh' ni' miih'. Jmee' ba' hnāh' cha-ga'miih' ta' kih' Dsa-jøøh' jnān' koo' hä' koo' hä'. Jēh', ñe' ba' jne' sa' na-hee' ta' he' jmee' jne' kiyh'.

Wa' chooh' jne' kuu' mah' kwēēhn' hi' tā-ñee'

16 ¹ Kwaat' kih' he' chooh' hnāh' kuu' kih' hi' laa' kyaā' Dio, jmee' hnāh' ja'ba' lä'koo' ga'jmeen' mada' kih' ga'lä'jē' gwah' he' tøø' hwa' Galacia. ² To-nē' jmi' kih' seman~, lä'jaa' lä'jaa' hnāh' høø' hnāh' kah' miih' kuu', he' lle' kih' kwēēh' hnāh' Dio ha' koh' te' he' lēh' hnāh' lä'koo' seman' mah' ma-na-jää' kuu' wa'ra' ga'lloon'. ³ Hi' wa'ra' ga'lloon' jee' tääh' hnāh', siin' koo' je' he' lla'llen' jmi' kih' hi' ma'hñaah' hnāh' mah' dsa'kay' kuu' he' ma'chooh' hnāh' kih' øøh' jne' hi' tääh' Jerusalén. ⁴ Cher'mah' ga'la' niin', dsa'nøø' jnääh' ko-jøh' kyaayh'.

Dsoo' Paa' ta' Macedonia

⁵ Niin' jää' ta' Macedonia, ja'ga' niin' jee' tääh' hnāh', jēh' ta' Macedonia ba' dsa-ngēēn' jää'. ⁶ Hi' jēē' cher'mah' ga'jän' kyaah' hnāh' miih' jmi', o cher'mah' ga'la' jän' kyaah' hnāh' ta'ko'jiih' ngēē' jii' gyuu'. Ja'ga' kwēēh' jnä' miih' he' jmee' bii' kin' cha'jwē' ha' ta' jee' niin'. ⁷ Jēh' sa' hnoon', koo' dsa-ngēē' ba' jnä' ta' jee' tääh' hnāh'. Cher'mah' ga'kwa' Dio jwē', hnoon' jän' miih' jmi' kyaah' hnāh'. ⁸ Pero jän' jee' jwii' Éfeso la', lä'jiih' gooh' jmi' Pentecosté. ⁹ Jēh' jee' la' ma'cha' jwē' kin' he' kwan' juu', hi' ta' kin' go'hii' llu' ma'ke' chaa' jwēē' hi' na'høøh' kin'.

¹⁰ Cher'mah' ga'lloo' Timotä, jmee' hnäh' lä' tih~ dsëy', jëeh' jmee' bih' ta' kih' Dio ja'ba' lä'koo' jmee' jnä'. ¹¹ Lä'jëë' ba' wa' hnäy' mah' jäyh' jëë' dsëy' ta' la' kin'. Jëeh' gyan' jää' jnih' kyaah' jñah' ga' øøh' jne'.

¹² Jee' la' jwëehn~ hnäh' ha' lä' la' kih' Apolo. Cha'miih' jiih' ga'chuun' kyaayh' mah' ma' dsooy' ma' dsa'jëëy' hnäh' kyaah' jñah' ga' øøh' jne'. Pero sa' ga'lla' dsëy' ma' dsooy' lä'chah' ja'. Dsooy' ba' lä'koo' ma' jääy'.

Ga'hih' Paa' juu' kyaah' øøyh'

¹³ Wa' na'neh' hnäh', hnøø' lä' ma'dsoo' ja'ba' hoh' hnäh'. Wa' cha' cha'miih' be' kyah' hnäh'. Hi' ta' jeh' hoh' hnäh' ni' miih'. ¹⁴ Lä'jë' he' jmeeh' hnäh', jmee' hnäh' lä'lle' kih' he' hnaah' hnäh' dsa'kyaah' hnäh'.

¹⁵ Øøhn', ma'neh' ba' hnäh' kih' Estéfana kyaah' lä'jëë' hi' chaa' kyaay'. Laay' to'në' hi' ga'heeh' ju'hmëë' hwa' Acaya. Lä'jëë' hi' he' tääh' jmeey' ta'he' kih' lä'jëë' hi' laa' kya' Dio. ¹⁶ Chuun' kyaah' hnäh', wa' nuuh' hnäh' kih' dsa' hi' jmee' lä'koo' hi' he'. Lä'ja' ka'läh' kih' hi' kwa' be' kih' øøh' jne' hi' kyaah' ga' jñah' øøh' jne' hi' jmee' ta' kih' Dio. ¹⁷ Peer' jëë' dsën' he' ma'ja' Estéfana, kyaah' Fortunato, kyaah' Acaico. Hi' he' na' ga'kwa' be' kya' jnääh' kih' he' sa' ga'la' ma'ya'nää' hnäh'. ¹⁸ Ga'jmeey' jëë' dsën' cha'miih' ja'ba' lä'koo' ga'jmeey' kyah' hnäh'. Kih' dsa' hi' jmee' lä'ja', hnøø' kwa' jne' ti'hmaah' kiyh'.

¹⁹ Lä'jë' gwah' he' tøø' hwa' Asia, jmee' Dio kyah' hnäh'. Aquila kyaah' Priscila kyaah' øøh' jne' hi' dsa'nee' cha'neh' kiyh', jmeey' cha'miih' Dio kyah' hnäh' lä' hnøø' Dsa'jøøh' jnän'. ²⁰ Ga'lä'jëë' øøh' jne' jmee' Dio kyah' hnäh'. Ja' chuh' hnäh' kih' dsa'kyaah' hnäh' lä' hnøø' Dio.

²¹ Jnä' Paa' kyaah' goon' hñiin', ma'siin' miih' jee' ma'dsaa' he' la', he' jmeen' Dio kyah' hnäh'.

²² Dso'jwi' ba' kyaah' hi' sa' hnää' Jesucristo Dsa'jøøh' jnän'. Chah' ba' jäh' Dsa'jøøh' jnän'.

²³ Wa' mi'jää' Jesucristo Dsa'jøøh' jnän' lä'jëë' hnäh'. ²⁴ Lä'jëë' hnäh' hnaan' ta'la' kih' Cristo Jesús. Wa' la' lä'ja'.